

K ~~6260~~
2



ისტორია

ქართულის გაზეთების და ჟურნალებისა

ფ. ჭიჭინაძისა

1783 წ. ანუ 1840 წ. წიგნი 1-ლი - (92) მ/წ



თბილისი

ბეზა ტ. მ. როჭინანცისა Типография Т. М. Ротшильда № 41.

1902

Дозволено цензурою, Тифлисъ. 23 Января 1902 года.

ი ს ტ ო რ ი ა

ქართულ გაზეთების და ჟურნალების გამოცემისა

1817—1900 წ.

ქართველთ შორის გაზეთ-ჟურნალის გამოცემის დასაწყისი 1817 წლიდან იწყება. რაც შეეხება ქართველთაგან გაზეთების კითხვას და გაცნობას, ეს კი ქართველთ ადრიდგანვე იცოდენ. ე. ი. XVIII საუკუნეში. მაშინდელ ბატონიშვილებს ერთობ ხშირად უხდებოდათ რუსეთში მგზავრობა და ცხოვრება, ესენი იმ დროის რუსულს გაზეთებსაც ადევნებდნენ თვალ-ყურს და ყოველთვის ჰკითხულობდნენ. მეტადრე თვალ-ყურს აპყრობდნენ იმ გამოცემებს, სადაც კი ქართველის ერის და საქართველოს ცნობებს ჰხედავდნენ. რუსულ გაზეთებს გარდა ქართველნი ფრანგულს გაზეთებსაც აქცევდნენ ყურადღებას, რადგანაც ფრანგულს გაზეთებშიაც იხედავდნენ ხშირად საქართველოს შესახებ ცნობები. მაგალითად: ფრანგულს გაზეთებში ქართველთა მეფე ქაიხოსრო და ლეონ ირანთა მსაჯული პირველად 1710 წ. აქეს. 1736 წ. აბატმა მილოთმა აქო ქართველნი და საქართველო, და კოსტანტინეპოლის ფრანგთა ელჩმა პეისონელმა მეფე ერეკლე 1764 წ. შეაქო. სხვა-და-სხვა დროსაც ხშირად უკიათ ხოლმე ქართველნი.

ლიახ, ქართველთა ჟურნალ-გაზეთის გამოცემის საქმე და მნიშვნელობა აღრიდგანვე იცოდენ, მხოლოთ ბედ-შემა გარემოებამ, მუსულმანთ სიმრავლემ და შინაურმა მდგომარეობამ არ მისცეს ნება, რომ გაზეთის გამოასაქმად ეზრუნათ. თუმც ისიც უნდა ესთქვათ, რომ საქართველოში 1787 წ. გაზეთის მსგავსად ფურცლების ბეჭდვაც იწყეს, რომელ ფურცლებზედაც მოთაესებული იყო სხვა-და-სხვა აკროსტიხური ლექსები, სიტყვები და მეფეთა ქებანი. ესეთი ფურცლები ერთობ მცირედ იბეჭდებოდა, დაბეჭდილებს მეფის შეილებს და შეილის-შეილებში არიგებდენ. არ შეიძლება, რომ ამ ფურცლების სადმე არა აღმოსჩნდეს რა. ამავე დროს უკვე წინ წაეიდა ქართველთ შორის სხვა-და-სხვა განცხადებების ბეჭდვაც. რაც შეეხება ზოგიერთ პირებს, რომლებიც საყვედურით ბრძანებენ, რომ ქართველთ ქართული გაზეთის გამოცემა ერთობ გვიან დაიწყესო, ამაზე ვიტყვი, რომ ასეთი ბრალდება ჩვენ უსაფუძვლოდ მიგვაჩნია, რადგანაც ქართველთ ასეთის საქმის წარმოებისათვის სრულებით არა სცალოდათ; როცა მოიცალეს, მაშინ აკი ხალისით მოჰკიდეს ხელი და ბეჭდვაც იწყეს? ჩვენ-გვარ მდგომარეობაში მყოფ ხალხს კი არ დაეზრახება ესა და სხვებს კი, მეტადრე სომხებს, რომელთაც მეფობა აღრიდგანვე დაჰკარგეს, ამით მათ არაფერი წააგეს. სამეფოს დაცემის შემდეგ მთელს დუნიას ოთხსაე-კუთხიე მოედნენ, ყველგან ვაჭრობას შეეჩვიენ, ფულის მოგებას, ხერხს და ოსტატობას. მათგანნი მრავალს ალაგას დამდიდრდენ, ქონებრივ წარმატებას მიეცნენ, ოსმალეთის, სპარსეთის და ინდოეთის ზოგიერთს ქალაქებში დახსნეს სხვა-და-სხვა საეაჭროები, სააგენტოები, ბანკები, გააკეთეს დიდრონი ქარ-

ვასლებიც, ყველა ამებთან თაეისუფალი დროც ჰქონდათ, მაგრამ რაც შეეხება გაზეთის გამოცემას—ეს კი მათაც ერთობ გვიან მოახერხეს.

სომხებმა დიდის შრომითა და ჯაპანწყევტით ძლიერ მოახერხეს და 1796 წ. გამოცეს თეიური სომხური გაზეთი, რომელიც სომხებში პირველ გაზეთად ითვლება. იგი იბეჭდებოდა ინგლისის სამფლობელოს ინდოეთის ქალაქს მადრასეში; გაზეთს სახელათ „აზდარარი“ ერქვა, რედაქტორად ხსენებულისავე ქალაქის სომეხთ მოძღვარი ტერ-შმოვანი იყო. ეს გამოცემა თაეის დროის კვალად უფერული გამოცემა იყო, იგი სულ ორს წელიწადს გამოდიოდა, 1798 წლის დამდეგიდამ შოისპო, ველარ გამოვიდა. ქართულ პირველ გაზეთის გამოცემის რიცხვი რომ სომხების პირველ გაზეთის გამოცემის რიცხვს შეეუდაროთ, სულ მცირე განსხვავება აღმოჩნდება. სულ 22 წელიწადი გამოვა განსხვავებით, ამის ანუსხვა არც ღირს. ჩვენდა საუბედუროდ, ჩვენ, ქართველთ, აქამდის ისიც არ ვიცოდით, თუ ქართველებში პირველად როდის გამოიცა ქართულს ენაზე პირველი გაზეთი. აქამდე პირველ ქართულ ჟურნალად მრავალნი „ცისკარს“ აღიარებდნენ და პირველ გაზეთად „დროებას“. თუმცა ისიც კი ვიცოდით ამაღ, რომ 1832 წ. სოლომონ დოდაშვილს ქართულ ენაზე გაზეთ-ჟურნალიც გამოჰყევანდაო. რაც შეეხება გამოცემათა ცნობებსა და ვითარებას, ეს კი ჩვენთვის უცნობი იყო, ამის გამოცემულ ჟურნალ-გაზეთის ნომერი ჩვენ თვალითაც არ გვენახა, ძლიერ გვეღირსა და რის წვალებით, 1875 წ. მოვიძიეთ თითო ნომერი და მასთან მცირე ცნობებიც შევჰკრიბეთ. ამავე დროს ჩვენში აღმოჩნდა სხვა ძველი ქართული გაზეთებიც და ნათ-

ლად შეეიტყეთ და გაეიცანით ის ცნობები, რომ ქართულს ენაზედ პირველად ქართული გაზეთი 1817 წ. გამოუციათ ქ. თბილისში. ხოლო რა გეარს მიმართულების იყო ეს გაზეთი, ოფიციალურის, თუ მოქალაქურის— ამაზე არა სჩანს-რა; გაზეთის ზედა-პირის წარწერაც ამისას არაფერ ცნობას იძლევა; ამის შეტყობა კი არა, თვით გამომცემლის და რედაქტორის ენაობაც კი არა სწერია. აბა, ჯერ დღეს, 1830 წლების ცნობებიც რომ არა დაგვრჩენიარა ხელთ, ისიც არ ვიცით, თუ ამ მოსვენებულს დროს სად და როდის ეინ რა დაბეჭდა, ძველებზე რაღა გვეთქმის? იას კი ვიტყვით დაჭეშმარიტებით, რომ ქართველნი XVIII საუკ. უკვე იყენენ გაზეთების ცნობებს და კითხვებს შეჩვეულნი, — ამას გვიმტკიცებენ შემდეგი გარემოებათა პირობები.

ზემოდაც ესთქვით და აქაც ვიტყვით, რომ ქართველთ ბატონიშვილები და მღვდელ მთაერები XVIII საუკ. რუსეთში ერთობ მრავლად სცხოვრებდნენ. მღვდელ-მთაერებმა რუსეთში სამს ალაგას ქართული სტამბებიც დახსნეს, წიგნების ბეჭდვაც დაიწყეს, თვით ვრცელი ქართული „დაბადებაც“ კი რუსეთში დაისტამბა 1743 წ. რუსეთში ასეთ ვრცელ წიგნებს ბეჭდავდენ, ნუ თუ ამ მბეჭდავთ იმ დროის რუსულ გამოცემათა შესახებ ცნობები კი არ ექმნებოდათ? არა გვეგონია. გაიოზ ნაცელიშვილმა მოსკოვის აკადემიაში სწავლა დაამთავრა, ასევე მოზდოკელმა ქართველმა ჭელიძემ, პაატა ბატონიშვილმა საჟრანგეთში და ინგლიზშიაც იმგზავრა. ბატონიშვილებში ზოგნი ეოლტერის ნაწერებსაც იცნობდენ, ზოგნი რუსულიდან სასულიერო წიგნებს გარდა ფილოსოფურს ნაწერებსაც სთარგმნიდენ, ეოლტერს და მის თანამედროვე საჟრანგეთის მოაზრე

მწერლებსაც აღიღებდნენ და აქებდნენ, ამათ შესახებ გაზეთებში დაბეჭდილს ცნობებსაც ჰკითხულობდნენ, იგინი კარგად იცნობდნენ გაზეთებს. 1769 წელს, მეფე ერეკლეს საწინააღმდეგო „შეთქმის“ გამო მოთავენი დასჯილი იქმნენ. ერთმა დასჯილთაგანმა, ამილახვარმა, რუსეთში ერეკლე მეფის მოქმედების შესახებ წიგნი დაბეჭდა, მეფის მოქმედებას დესპოტიური მოქმედება უწოდა. ამ ჰაზრის თანაზიარი იქმნენ იმ დროის რუსის ზოგიერთ გამოცემანიც. წიგნის გამოხვლის და მის პატივისმცემელთ მეგაზეთეთ ცნობა მეფესაც ეუწყა. მეფეს ძლიერ ეწყინა, მაგრამ რას იზამდა. 1780 წ. ეკატერინე იმპერატრიცას წერილი მისწერეს და სთხოვეს, რომ ეგ წიგნი აღკრძალეთო. ასეც იქნა, წიგნი აღკრძალეს. ამ წიგნებისამ ჩვენ დრომდისაც მაღალწიეს.

ქართველთ ბატონიშვილების გარდა საქართველოში გაზეთების კითხვას ქართველი პატრებიც მისდევდნენ. ამათ რომიდან გაზეთი „მისიონ კატოლიკ“-ი ძველადგანვე მოსდიოდათ, პატრები მეფეს და მეფის შვილებს ხშირად მოუთხრობდნენ სხვადა-სხვა გაზეთებიდან ამონაკითხ ცნობებს, ბატონიშვილები ყოველთვის სიამოვნებით ისმენდნენ. პატრებს გარდ, მეფის კარზე ხშირად სცხოვრებდნენ ისეთნი სწავლულ-მოგზაურნიც, როგორიც იყო 1773 წლებში ნემეცთა მოგზაურ-მწერალი აკადემიკოსი ლულდენშტეტი, ამას შემდეგ ნემეცივე ექიმი რეინგესი. მასვე დროს საქართველოში ყოფილნი რუსის პოლკოვნიკნი პეტროვი და ივანოვი და ბევრიც სხვანი, უთვლელნი, რომელნიც თავანთ დროის კვლად იყენენ განსწავლულნი: ესენი იმ დროის გაზეთებს ეეროპის ქალაქებიდან თვით საქართველოშიაც იბარებდნენ. ეეროპიული გაზეთები საქართველო-

ში სტამბოლის გზით შემოჰქონდათ, ბათუმიდან. იმავე გზით მოგზაურობდნენ ევროპიელთ მსწავლულნი და მოგზაურნი. სტამბოლიდან ყველა მგზაურს და გაზეთს ბათუმიში ელოდა მოსვლა. თვით საბა ორბელიანიც თავის კაპუჩინებით ევროპიდან პარეელად ბათუმიში მოვიდნენ, მერე საქართველოში შემოვიდნენ. 1780 წ. აქედამვე შამოვიდა ინგლისელთ ექსპედიცია გურიაში, 1784 წ. საფრანგეთის და 1789 წ. ავსტრიელ-პრუსიელთა: საუბედუროდ, ეს მოგზაურნი გურიას აქეთ ველარ გადმოდიოდნენ. ამის მიზეზებს ოსმალთ ვაწერთ. 1789 წ. ინგლისელთ სამხედრო ექსპედიცია დავით გურიელმაც ისტუმრა... ამას ოდესმე დაეუბრუნდებოთ. ეს აღენიშნეთ მართოდ იმის ფაქტად, რომ ძველად ქართველთაც ჰქონდათ ევროპის გზა და კვალი, თავი და თვალი დასაველეოთურის წინ-სვლისა და წარმატებისათვის. მეორე გზა საქართველოსი იყო რუსეთიდან კავკაზზე. საქართველოს მიჯნაზე დანიშნული იყო გზის ზედამხედველად ყაზიბეგი, იქ იყო ფოსტა, გზის გამგეს ღამის გუშაგნიც ჰყვანდა. რუსეთიდან თუ რამ ცნობები, ნიეთები და გაზეთები მოდიოდა, სულ ამ გზით შემოჰქონდათ; მაგალითებრ, მეფე ერეკლეს ეკატერინე იმპერატრიცამ ჩაის ჭურჭელი გამოუგზავნა ფეშქაშად და სასახლისთვის კარგი დიდი საათი და ბეჭეტიც სხვა ნიეთები, ყველა ესენი რუსთა შიკრიკთ, ანუ მათ ფოსტის კაცთ ხსენებულს გზადის მოჰქონდათ, აქ ქართველთ ფოსტის უფროსს ჩააბარებდნენ და თვით უკან გაბრუნდებოდნენ; მერე საქართველოს გზის მცველი თავის კაცებს ჰგზავნიდა თბილისში და ატანდა ყველაფერ გამოგზავნილ ნიეთებს, გაზეთებს, წიგნებს და წერილებს; ყველა ამეებს თბილისში სამეფო გამგეობაში მიიღებდნენ.

მერე თავთავის კუთვნილებად არიგებდენ. ეს ორი ჩვენგან უნიშნული საქართველოს მთავარი გზები იყო, საილამაც ევროპიელთ და რუსთ შემოჰქონდათ ყველაფერი. ამ გზებს გარდა სხვა გზებიც იყო, მაგრამ იმათ ჩვენ არ აღნიშნავთ. ძველადგან ქართველთ მეფეთა ბრძანებით საქართველოს ვაჭართათვის „იარმურკობა“ ანუ ბაზრობა ეკატერინედარში იყო დანიშნული, სამ წელიწადში ერთხელ. ქართველ და რუსეთელ ვაჭართ ვაჭრობა და წარმოება იქ იწყობოდა, იქ სალდებოდა, ურთიერთ შორის საქონელები, ამის მეოხებით გზა და კვალიც ირკვევოდა, საქონელს გარდა საბეჭდი ქალაქის შემოტანაც აღვილდებოდა.

ასეთის გარმოებით დაასრულა საქართველომ XVIII საუკ. დადგა 1800 წ. 28 ქრისტიშობისთვის, მეფე გიორგი გარდაიცვალა და 1801 წლის თებერვალს, მარტსა და აპრილის თვეთა განმავლობაში საქართველო რუსეთს ჩაბარდა, სრულიად საქართველოს რუსთაგან შეერთება კი 1810 წლიდამ იწყება. საქართველოს რუსეთთან დაკავშირებით ქართველთ დიდათ უნდა გვესარგებლნა, მაგრამ ჩვენდა საუბედუროდ ეს ასე ვერ მოხდა, ჩვენ ამისთვის მომზადებულნი არ ვიყავით. ჩვენის რუსეთთან დაკავშირებით უფრო სამხეობა ისარგებლეს, თუშც ამისთვის დიდად არც იგინი იყენენ მომზადებულნი, მაგრამ ჩვენზე მაინც მეტად იყენენ წინ წასულნი. საქართველოს რუსეთთან დაკავშირების პირველ წლებიდამ მათ იწყეს წინ-სვლა, წარმატება, აღორძინება და გამდიდრება. ქართველთა კი ზღაპრებით ვიწყეთ წინ-სვლა და თვალის გახილება, ძლიერ-ძლიერობით მოვეწყეთ ახალ წეს-ჩვეულებას, მთავრობას, გამგეობას და მის ძალას. დიდის ჰაპანწყევტით გაგვეხსნა სტამბა, სკოლა და როგორც იქმნა, 1817 წ. ქართულს

ენაზედ პირველად გამოიცა ქართული გაზეთიც. პირველ წელს, ე. ი. 1817 წელს, ამ გაზეთის გამოცემა სექტემბრიდამ დაუწყიათ, თევში ხან თითო ნომერი გამოდიოდა, ხან ორი. მეორე წელსაც ასევე გაგრძელებულა. გამოცემას დრო არა ჰქონდა დანიშნული: 1818 წლის გასულს კი ნებართვა აუღიათ, და 1819 წლის მარტიდამ კი გაზეთის გამოცემა წეს-რიგით დაუწყიათ. ორი წლის განმავლობაში, ე. ი. 1817 და 1818 წწ. გაზეთს არ ჰქონდა გამოცემის დრო დანიშნული; მას ზედ არც ფასი ეწერა, იგი იბეჭდებოდა მთავარ-მართველის სტამბაში, დაბეჭდილებს აქეთ-იქით სავაზრო „ზასედატლებს, ისპრაენიკებს“, ექსპედიციის წევრებს და პალატის მოხელეებს უგზავნიდენ, ხოლო ივინი გაზეთის გარდასახადს რაგვარად იხდიდენ, ამის ჩვენ არაფერი ვიცით. გაზეთიდამ ამონაკითხ მთავრობის განკარგულებათა ივინი ხალხს აცნობებდენ. თითო გაზეთი იბეჭდებოდა თითო საწერ სქელსა და შავს ქალღვრზედ; ასოებად ნახმარია ის ასოები, რომლის ყალიბები 1706 წელს იქმნა თბილისში ჩამოსხმული; აქედამ ჩამოსხნეს ასოები, შემდეგ ამავე ყალიბებიდამ ჩამოსხმულ იქმნა 1750 წ. და 1796 წ- საქართველოს რუსეთთან დაკავშირების შემდეგაც იმ ასოებს ახმარებდენ, რადგანაც ახალი ასოების ყალიბების ჩამოსხმა ერთობ გვიან მოხდა. 1817, 1818, 1819 და 1821 წწ. გაზეთები სულ ამ ძველის ასოებით არის ნაბეჭდი.

1817 წ. გამოსულ გაზეთს ასე აწერია ზედა პირზე მათაურად.

ქართული გაზეთი

გამოიცემის ქალაქს ტფილისს, წელსა ჩუიზ.

ჩვენის თიქრით, ამ გაზეთის, 1817 წ. სულ ცხრა

ნომერი უნდა გამოხულიყო, მეტი არა. 1818 წელის კი შიახლოვებით 17—20 უნდა ყოფილიყო გამოცემული, რადგანაც თითო გაზეთის ნომერი ხან თვეში ერთი იბეჭდებოდა, ხან სამ კვირაში ერთ თბახზედ, ყოველს შემთხვევაში თვეში ერთ-მეტ-ნაკლები რომ ვიანგარიშოთ, მაშინ 17—20 ნომერზედ მეტი არ გამოვიდოდა. როგორც ვიცით ცნობილად, გაზეთს პირ-და-პირ ოფიციალური ხასიათი ჰქონია, იგი ევონებთ, თვით მთავრობის ხარჯითაც იბეჭდებოდა, რადგანაც მთავრობავე ურიგებდა მუქთად. მაშინ ქართულს ენაზე მთავრობისთვის გაზეთის გამოცემა აუცილებელს საჭიროებას შეადგენდა, რადგანაც 1805—1830 წლამდე, საქართველოში ქართული ენა მეფობდა, იგი იყო სხალხო, საერო ენად მიღებული, იგი მეფობდა ქართველებს გარეშე თვით თათრებსა და სომხებშიაც, რასაკვირველია, მაშინ რუსთა რიცხვი საქართველოში ერთობ მცირე იყო, მთავრობისათვის ქართული გაზეთის ქონება კი, როგორც იარაღი, აუცილებელს საჭიროებას შეადგენდა.

გაზეთში უმეტესად იბეჭდებოდა სახელმწიფო განცხადებანი, უმაღლესი ბრძანებანი რუსეთიდან და საქართველოდამ საქართველოს მთავარ მართებლების, გარდა ამისა სხვა და-სხვა განცხადებანი ვაჭართა შესახებ, სამხედრო უწყების წინაშე სანოვანის მოსატანად, სახელმწიფო სხვა-და-სხვა სახლებთა აღსაშენებლად და ბევრიც კიდევ ამ გვარნი, რაც კა მაშინ დღითი დღე საქარო ხდებოდა ადგილობრივ მთავრობის და მის გამგეობის წინაშე. ენა გაზეთისა იყო ძველი, გაუგებარი, ისე რომ მას თუ არ ძველის ქართულის ენის მცოდნე, სხვა ვერაფერს გაიგებდა. ცხადათ სჩანს, რომ ამ გაზეთის რე-

დაქტორად დანიშნული ყოფილა მთავრობის ვინმე მოხელეთაგანი, რასაკვირველია ქართველი, ძველის ქართულის მცოდნე. 1819 წლისათვის კი რედაქტორად განსაზღვრული პირი უნდა ყოფილიყო, უფრო მეტის ცოდნის პატრონი, რადგანაც 1819 წ. მარტიდამ გაზეთმა კერაში ერთხელ იწყო გამოსვლა. გაზეთის რედაქციამ მხნეობა გამოიჩინა, პროგრამა გაიფართოვა, გარდა იმისა იმოდენად იმეცადინა, რომ წლის გასვლამდე 40 ნომრის მაგიერ 50 ნომერი გამოსცა, თითქო გაზეთის გამოცემა 1819 წლის პირველ იანვრიდამ დაწყობილიყო და არა მარტიდამ. გაზეთს 1819 წლიდამ სახელი შეუცვალეს: „ქართული გაზეთის“ მაგიერ „საქართველოს გაზეთი“ უწოდეს. რასაკვირველია, ეს უფრო საფუძვლიანი სახელია, მასთან კანონიერიც იმ დროის ახლად დარსებულს ქართულის გაზეთისათვის; ეს სახელ-წოდებაც ცხად დასკვნას გვაძლევს ვიფიქროთ, რომ მისი რედაქტორი შესემნილი პირი უნდა ყოფილიყოს, ვინემც 1817—1818 წ. გამოცემულის ნომრებისა, რომელიც უფრო განცხადებთა ფურცელს ჰგვანდა, ვიდრე სამოქალაქო, ან სამხედრო და სამეცნიერო გამოცემას. ასეთი განჩინება შემდეგ დროის გამოცემებზე კი ვერ ითქმის, რადგანაც მათ დიდი განსხვავება დაეყუოთ ზემოდ ხსენებულს გაზეთებთან შედარებით.

„საქართველოს გაზეთის“ გამოცემა დაწყებულ იქნება 1819 წლის მარტის პირველიდამ. ენა ამ გაზეთისა იგივეა თითქმის, როგორც 1817 და 1818 წ. ასოები გაზეთისა იგივეა, რაც წინედ იყო. ზომაც გაზეთისა იგივეა, ხანდესხან ორი საწერი თაბახიც გამოსულა, ოფიციალურს ნაწილს გარდა ლიტერატურულს ნაწილსაც

საკმარისი ადგილი უკავია: ამ გაზეთის ნაკლად ჩვენ აღ-
ენიშნაეთ ძველის საღმრთო წერილის ენით წერილების წე-
რას. ეს ძველი ენა, რომელიც კი მეფობდა საქართველო-
ში 1850 წლამდე, იყო რაღაც განკერძოებული თვისების
ენა. იგი არც ძველს ეკუთვნოდა და არც ახალს, უფრო
კერძოებით ხასიათის მექონ სურათს წარმოადგენდა. მისას
ვერც ერი გაიგებდა რამეს ადვილად და ვერც მღვდელი.
ეს ნაკლი მათ რომ თავიდან აეცდინათ, იქნება მაშინ
ქართველობაში საეროდ განათლების და მწიგნობრობის
საქმეც სხვანაირად წასულიყო, იქნება იგი წარმატებით შე-
მოსილიყო. ჩვენდა საუბედროდ ეს ნაკლი შემდეგ დროის
ქართველებმაც წესად შეითვისეს; თვით 1850 წლებამ ღი-
საც კი ამ ენით სწერდნენ და ჰბეჭდადნენ, როგორც გა-
ზეთ-ჟურნალს, ისევე სხვა-და-სხვა ქართულს წიგნებს. ამ
ნაკლს ვერ ასცდა თვით ცნობილი სოლომონ დოდა-
შვილიც.

ამ ნაკლის შესახებ ჩვენ საკმარისად უნდა ვისაუბ-
როთ, რადგანაც მან ქართველებზე მეტად დიდი ზეგაე-
ლენა იქონია; იქონია მით უფრო, რადგანაც იმ უწიგნობის
დროს, როდესაც საქართველოში წიგნების ბეჭდვა ჭაჭანე-
ბით იყო, მაშინ ცოდნა იყო ასეთის ენით წერა და ბეჭდვა.
ამ ენით ჰბეჭდადნენ თვით სახელმძღვანელო წიგნებსაც.
მე მოვიპოვე რამდენიმე ძველი ქართული სახელმძღვა-
ნელო და მათმა გაცნობამ გამაკვირვა. ძველი ყარამანი-
ნი, დაერიშიანი, მირიანი და ასეთი მოთხრობანი უფრო
კარგის ქართულის ენით არიან ნაწერი, ვინმეც XIX საუ-
კუნის ქართული სახელმძღვანელოები. სახელმძღვანელო-
ები კი არა, თვით გაზეთის განცხადებებსაც კი ამ გვარის
ჯვარცმულის ენით სწერდნენ, რასაც თვით ჩვენი ამონა-

წერებიც დამტკიცებენ. 1819 წ. გაზეთის ერთს ნომერზე ვკითხულობთ შემდეგს განცხადებას: „მთაწრობის ნება-რთვით, 1819 წელსა, ესე როგორც გამოიციენ წარსულსა წელიწადსა, აგრეთვე გამოიციემიან მომავალსა წელიწადსა 1820 სა“. ცნობიდან სჩანს, რომ ეს „საქართველოსა გაზეთი“ 1820 წ. გამოიცემა ისევე, როგორც წარსულს 1818 წელს გამოიცა და ამ წელსაც იბეჭდება. აი თვით სახეც გაზეთის ზედა პირის, რომელიც შეუცვლელად მოგვყავს:

საქართველოს გაზეთი
ნომერსა ზ⁴ დღესა ჩ¹⁵ით წელსა თფილისში
№ 38
გამოცხადებანი.

ეს სათაურია გაზეთისა, შემდეგ იწყება განცხადება გაზეთის გამოცემისა, აი განცხადებაც:

„ქართულის გაზეთის გამოცემანი ვალად თვისად რაცხენ, რათა წინასწარ აცნობონ პატივცემულ საზოგადოებასა, რომელ გამოცემა ესრეთისა გაზეთისა განგრძედების მომავალსა ჩუკ წელსა. მას შინა შთაწერილ იქნებიან თვით იგივე მუხლნი, რომელნიცა მოხსენებულ იყვნენ გამოცხადებასა შინა დაბეჭდილსა უწინარეს ამისა შემოღებისათვის გაზეთის ბეჭდვისა, გაზეთი ესე გამოცემულ იქმნების ათას რვა ას და ერთის წლის პიველ რიცხვამდე, თვითო კვირაში თვითო დაბეჭდილი ფურცელი“.

„მოსაწერი ფასი დანიშნულ არს საქმარისად ზომიერ, სრულიადის გაზეთის აქ თფილისსა შინა გამოცემისათვის სამი რუბლი თეთრი ფული და სხვათა ქალაქთა და ადგი-

ლთა მცხოვრებნი წარსაგზავნელათ მათდამი გაზეთისა ამის-
მისცემენ ერთსა აბაზსა, სრულიადის დროსათვის, რომელ
წარსულსა შინა წელსა გაზეთისა ამისა ვიწყეთ გამოცემა მარ-
ტის თვეში და აწ იწყება მისი პირველ იანერის რიცხვითგან
და მაშ წარსულის წლისაზედ მოემატება ათი ფურცელი და
იქმნება არღა ორმოცი, არამედ ორმოცი და ათი ფურ-
ცელ საკუთართა შემთხვევათა შინა მომატებათთა თანა“.

აი ესეც ამ გაზეთიდან მოყვანილი ერთი ადგილი,
ნიმუშად იმ დროის ქართულთ მწერლებთა ენისა.

„გორის უეზდის სოფელს დაერის მცხოვრებნი ბარ-
ძიმ მაჩაბელოვის ყმა დათუა კვალენიძე თავის ცოლით და
ვაჟის და ქალისშვილებით, ძმისწული ნინიათი და ვენა-
ხით იმ ას სამოც და სამს რუბლში, რომელიც მართებს
მას აზნაურის გაბაშვილის ქალის ელისაბედისი, იმათის
გასყიდვის ვადა დანიშნულ არს ამა წლის ნოემბრის კ. და
დეკემბრის ე. და კ. რიცხვებში.“

თელავის უეზდის სოფელს ფინჩხავას მცხოვრები რვა-
კომლი ყმა ლუბერსკის სეკრეტრის ნათიოვის იმ ათს ას-
ოცს რუბლის ვერცხლის ფულში; რომელიც მართებს მას
ლუბერსკის სეკრეტარს თავადის მელიქზადე ბებუთოვის,
იმათის გასყიდვის ვადა დანიშნულ არს ამა წლის ნოემბ-
რის კ. და დეკემბრის ე. და კ. რიცხვებში“.

ასეთ ცნობათა გარდა მოთავსებულია მთავრობის
განცხადება საქართველოში ღერბის ქალაქის შემოღების
შესახებ. აქედან სჩანს, რომ ღერბის ქალაქის ხმარება
საქართველოში 1819 წლიდან შემოსულა. მანამდის კო-
ხბრალო ქალაქის ხმარება სცოდნიათ, მოთავსებულია წე-
ილი ყვავილის აკრის შესახებ, თუ რა ხერხით შეიძლე-
ა ძროხის ყვავილით კაცის აკრა: ეს წერილი ექიმს კლა-

პატრონი უნდა იქმნეს, რომელმაც იმ დროის რუსეთში სახელი განითქვა და მის „კარაბადიმები“ და „ყვავილის აკრის“ წიგნები 1820 წლებში ქართულს ენაზედ ნათარგმნი პეტერბურღში ცალკე წიგნებადაც გამოასცეს, ქართული თარგმანი გ. ფირალოვს ეკუთვნის, მეფე გიორგი XII-ის მდივნად ყოფილს.

მოთავსებულია აგრეთვე:— „ასტრონომიის მრიცხველობათაებრ ცხადდება, რომელ შემდგომად მომავალსა შინა წელსა, ჩყით ეიქმნებით მოწამე ერუისა ძერითა გამოცხადებისათაგანისა ცისა ზედა სახლდობრ ბეშე, რიცხვსა სექტემბრისასა ახლისაებრ შტილისა, ხოლო ძვერლისაებრ ოც და ექვს რიცხვსა ტოსასა შუა დლისას იქმნების სრული დაბნელება მზისა, რომელიც ფრიად დიდის ხნის შემდეგ არა გეინახავს ჩვენგან... ნიდრელანდთა შინა, ამა საგანზედ არს წიგნი, რომელიც მიეწერების მეცნიერსა კაცსა ვანსვიდურს სურათებითურთ, რომელსა ზედა გამოხატულ არს დაბნელება სამთა სხვა და სხვათა შინა“.

სწორედ ამ წლებიდან იწყეს ქართველთა მამულების დაგირავება თბილისში და მის გარეშემო. მაშინ ჩვენში სხვა-და-სხვა ბანკები არ იყო, ჩვენს ბანკირებად ფულის პატრონი კაცები იყენენ და ზარაფები, იმ დროის ქართველნი ორ ნაწილად იყოფოდენ: მხენელ-მთესველად და სამხედროს ნაწილად. ვაჭართა და ზელოსანთ რიცხვი თბილისში ქამთა ვითარების მეოხებით შემცირებულ იყო. რაც კი ქართველთ ორს განყოფილებას ფული ან სვა რამ ნიეთეულობა სჭირდებოდა, ყველა მას იგინი თბილისის სომხებისაგან იძენდენ. საქმე ისე მოეწყო, რომ ქართველნი ძრიელ მალე გახდენ ვაჭარ სომეხთა მსხვერპლად. 1820 წ. მარტოდ ორთაქალაში გაიყიდა 14 კარგი ბალი,

რომელიც ბატონიშვილებს ეკუთნოდათ. 20-მდე ბალი ქართველის თავადისშვილების სოლოლაკზე გაიყიდა. მაშინ ვინც კი თბილისში თავადისშვილები სცხოვრებდნენ, ყველას აქენდათ თითო ან ორ-ორი ბალი. დღეს-კი, მთელს თბილისში ორს კაცსაც აღარ აბადია. მარტო ბალები კი არა, და მთელი თბილისის მამულებიც ასევე წაუვიდათ ქართველთ ზელიდამ, ამას ქვემოდ ვნახავთ, მაშინდელ თბილისის სომხები ცალიერ ჩონჩხს წარმოადგენდნენ, მათში ერთი კაცი არ იყო ისეთი მდადარი, რომ მას რამდენიმე ათასის თუმნის შეძლება ჰქონოდა. თუ იყო ვინმე და სცხოვრებდნენ თბილისში, ყველა იგინი 1830 წლების შემდეგიდან დამდიდრდნენ, როცა მათ ქართველთა მამულებს უხვად უწყყეს შებოქვა, მასთან ისწავლეს ტყუილი თამასუქების კეთება, ქართველთ დაბრიყვება და ნამეტურ სოფლის ნათლიობის მეოხებით გლეხთა ტყავს გაძრობა.

ასეთ საუბრის და ცნობების განსამარტავად და იმ დროების ნათლად გასაცნობად ძლიერ კაი ცნობებს იძლევა ზემოდ დასახელებული გაზეთის ნომრები, ხოლო ჩვენდა საუბედუროდ ამ გაზეთის ნომრების ჩვენ სულ რამდენიმე ნომრის მეტ, არა გვაქს მოპოვებული. 1819 წ. ერთ ქართველ თავადისშვილს, ერთის სომხის ვაჭრისაგან 370 მან. გაყიდა 35 დღის მიწა, ორი დიდი ზეარი დ მამულები, ღირებული 6000 მ: ყველა ეს სომეხს დარჩა 370 მ.-ად. თავადისშვილის სულ ჩითეულობა და ასეთი რალაცაები წაელო, რაც იქმნება, 150 მან. არც კი ეღირებოდა; ასეთ მაგალითებს ჩვენ ათასობით მოვიყვანდით.

როგორც სჩანს „საქართველოს გაზეთი“ 1820 წლის

ბოლო წლის ნახევარს მოსპობილა. ისე რომ ამ წლის შემოდგომაზე „საქართველოს გაზეთი“ აღარ გამოქულა. მოსპობის მიზეზი არ სჩანს, საჭირო კია რომ ვიცოდეთ რამე. ქართველთა გარეშე ქართული გაზეთის საჭიროება თვით მთავრობისთვისაც ყოფილა საჭირო. ამიტომ ქართველობა უგაზეთოდ მხოლოდ ორ-სამ თვეს დაშტენილა. 1821 წლიდან კი სხვა ქართული გაზეთის გამოცემა დაუწყიათ. ამ გაზეთის სახელად „წმიდა გიორგი“ სწოდებია, რადგანაც გაზეთზე წმიდა გიორგია დახატული. აი თვით გაზეთის სათაურიც:

| | | |
|----------------------------|----------------------------------|----------------------|
| ქართული | ამ ალაგას დახატულია წმიდა გიორგი | გაზეთი |
| სექტემბრის 16 დღეს № 36 | | 1821 წელს ტფილისი |

„უცხო ქვეყნის ამბავი: გერმანიიდან, ო' მალოს ქვეყნიდან, შერთული ამბავი. აღწერა დღესასწაულებთა, ცერემონია ინგლისის კაროლისა. მოლდავიის სამხლერი-დამ, თრიესტიდამ. ინგლისის კარალევას დაგვირგენება, ვალახიიდან, საბერძნეთის ამბავი“.

გაზეთის ენის ნიმუშად მოგვყავს შემდეგი ამბავი: „13 ივნისს. იზმირში გამოდის რომელსამე ქამიდან ყოველს კვირას ფრანკუზულს ენაზედ გაზეთი. — ამის უკანასკნელს ფურცელში 19 მაისს არს შემდგომი ამბავი: იზმირს მცხოვრებნი რამდენსამე დღეს იყვნენ დიდად გაჭირვებულნი შეწუხებაში, თითქმის ყოველს წამს მოელოდნენ დახოცვას ყოველთავე აქაურთა ქრისტიანეთასა, მაგრამ ბედნიერებათ მოვიდა აქ ფაშა, რომელმაც მთე-

ლის კეთილ გულის ხმეერებით და დიდ სულოვნობით უკან აქცია ესე სამწუხარო ჰაზრი“.

როგორც შევატყუეთ, ამ გაზეთის ენა უფრო მდაბიურია, ვინემ „საქართველოს გაზეთი“-სა. ამას მკითხველიც შეატყობს. როგორც „საქართველოს გაზეთი“, ისევე „წმიდა გიორგი“-ც კვირაში ერთი ნომერი გამოდიოდა, იმავე ზომით, როგორც 1817 წ. და შემდეგ დროის არი გაზეთი იბეჭდებოდა. ამ მს. წ. რის რიცხვით ჩვენ ვთქვამდით, რომ „წმიდა გიორგის“ გამოცემა, 1821 წ. თებერვლის, ან მარტის პირველიდან უნდა დაეწყათ. „წმიდა გიორგის“ გამოცემა განგრძობილა 1824 წლის ბოლომდე, 1825 წ. კი აღარ გამოსულა. მიზეზები მოსპობისა არ ვუწყით. არა ვიცით-რა ჩვენდა სამარცხვინოდ იმის შესახებაც, თუ როგორც პირველის და მეორის „საქართველოს გაზეთის“, ისე ამ „წმიდა გიორგის“ რედაქტორად, უინ იყო, ან გაზეთს რამდენი ხელის მომწერი ჰყვანდა, ვისის ბრძანებით იბეჭდებოდა?

აქ გაზეთის განცხადებათა ცნობიდან სჩანს, რომ დღევანდელი სათავად-აზნაურო ბანკის ქარეასლა „მშაკის“ რედაქტორად კოფილის, არწრუნის პაპას, გეურქ ალას, თავ. ციციშვილისაჟან 6000 მ. უყიდნია. მაშინ ამ ალაგას დღევანდელი დიდი სახლიც გაკეთებული ყოფილა. ეს დიდი სახლი 1804 წ. გაუკეთებია საქართველოს მთავარ-მართველს ციციანოვს, სადაც თვითონ მდგარა. მის სიკვდილის შექდეგ, ეს სახლი მის სახლის კაცებს დარჩათ ჩუქებით. მერე ამათ გეურქ ალაზე გაჰყიდეს ოხერ ფასად. ეს ის ეურქ-ალა გახლავსთ, ვისზედაც ქართველმესტერივებს „ხორველს ლექსიც“ გამოუთქვამთ. ამავე დროს ნ. ციციშვილს თბილისის შუა-გულს ალა-

გას გაჭყიდვია დიდი ძალი ადგილები. დღეს ამ ალაგზე თამამშოვის ქარვასლა სდგას. ეს ადგილები ციციშუალს გაჭყიდვია ორი დოშის ვალში, ორ ვერცხლის კულაში და ორ საკაბეში. რასაკვირველია, ვალი სომხის იყო და მამულებიც მან დაინარჩუნა მოტაცებით. კუკიაში ავჭა-ლის ქუჩაზედ რამდენიმე ათასი საყენი მიწა ერთს ქართ-ველის აზნაურასა 400 მან. ვალში გაისყიდა. იგი შეი-ძინა მევახშე სომეხმა. ვერაზე რამდენიმე ათასი საყენი მიწა 900 მანეთში, გაბაშვილის, დარჩა ერთს სომეხს, რასაკვირ-ველია მიტაცებით. ქაშუეთის ეკკლესიის პირდაპირ, სა-დაც დღეს „ორიანტის“ სასტუმროა, ერთმა სომეხმა ქაშ-უეთის ქართველს მღვდელს 60 მ. ვალში გაუსყიდა და თვით დაინარჩუნა. დღევანდელი „კაკასიის“ სასტუმროს ალაგი და შენობა ციციშვილისაგან სულ უბრალო ვალ-ში დაშთა ერთს სომეხს. ჩვენ აქ ყველას ვერ მოვსთე-ლით, ვიტყვით მხოლოდ შემდეგს, რომ მთელი ქალაქის ქართველთ მამულები სწორედ ამ დროს დაისაკუთრეს პოელებმა, სწორედ ამ დროს იწყეს მათ მევახშეობა... თანდათან დრო იცვლებოდა. თბილისში ვაჭრობაც წინ მიდიოდა, მისთვის დუქნების გამრავლებაც საჭიროდ ხდებოდა, მასთან სხვა-და-სხვა სამმართველოებიც მრავლ-დებოდა, სამმართველოების გამრავლებას შენობათა სიმ-რავლეს მოჰყვა. შენობების და დუქნების კეთებას სომეხ-ნი უფრო ადვილად მოეწყენენ. მაშინ ხე-ტყე, აგური და მუშა-ხელიც ერთობ იაფი იყო, ყველაფერს იაფად აკეთებდნენ, სულ მუქთად; ადგილებსაც მუქთად იკავებ-დენ, სულ ოხრად, შენობაში და დუქნებში კი ქირებს კარგს იღებდენ. ან გარემოებამ სომეხნი ერთი-ორად და-აწინაურა ცხოვრების სახსრით და ფულით გაამდიდრა. ვაჭ-

რობაც წინ წაიყვანეს ქირების წყალობით და ქართველთა მამულებსაც უფრო უხეად უწყეს შებოქვა, წართმევა და დარბევა.

ამ გაზეთის მოსპობის შემდეგ, მთავრობის ნაწილში, ქართული გაზეთის გამოცემის სხივი აღარ დაიბადა, აღარ განმეორდა. ამის მიზეზები ბევრნაირია, მთავრობის საჭირო განცხადებათა ბეჭდვა ცალკე ფურცლებზე იწყეს და ხალხში გაერცვლება. რაკი მთავრობის მხრით გაზეთის საჭიროება აღარ იქმნა ცნობილი, არამედ მარტოდ განცხადების ბეჭდვა, ამიტომ თვით ხალხმაც გადიგლო გულიდგან ქართული გაზეთის გამოცემის საჭიროება და საქმე. 1828 წ. თბილისში ჩამოვიდა სოლომონ დოდაშვილი, პირველი ქართველი, რომელმაც რუსეთის უმაღლესს სასწავლებელში დაამთავრა სწავლა. მას ძლიერ სწადდა ქართული წიგნების ბეჭდვა, გაზეთის გამოცემა. ამ საქმეში მას დიდად ეხმარებოდა ივანე ხელოშვილი, ცნობილი ბერი, „კალმასობის“ დამწერი. ამ ბერის ფულით ს. დოდაშვილმა თბილისში სტამბა გახსნა, ქართული წიგნების ბეჭდვა დაიწყო, მთავრობის წინაშე დიდად იმეცადინა და 1829 წ. თბილისში ქართული კვირის გაზეთის გამოცემაც დაიწყო. ამ გაზეთს სახელად „თბილისის უწყება“ ეწოდა. აქვე მოგვყავს სრული სათაური „თბილისის უწყების“ ერთი ნომრიდან.

სამშაბათი № 12

აპრილის 26 ს.

ტფილისის უწყებანი

1832 წლისა

გამოდის კვირაში ერთხელ
სამშაბათობით, ხელსა-
ლიტერატურა ნაწილი
თვეში ორჯერ.

წელიწადში ორისავე გ-
მოცემისა ფასი დადებულ
აქს რვა მანათი თეთრი
ფული.

შინაგან ცნობანი

ტფილისი

აპრილის 26-სა 1832 წელსა.

უმაღლესი უკაზი

მიცემულ უპარტებულეს სენატისადმი, ტფილისი
18 აპრილს: სამზღვარ გარეთ ამბაჯნი: ფრანცია, პარიჯი.
აღნარევი, პორტულაღია. „ვაზეთის“ ენის ნიმუში:—
„ფრანცია. პარიჯი, მარტის 12-სა დროსა მრავალთა მო-
ახალისეთა შეკრებულისა, იყო აქაურის სასამართლოს წინ
საქმემან პირობისა ზედა არა კეთილ მზრუნველთა კაც-
თასა. რომელიც ყოფილა სამრეკლოსა შინა მღვთის
მშობლითა ეკლესიასა. სასამართლოს სტოლზე ეწყო რა-
ოდენიმე დამბაჯანი, წითელი ქუდი, ხანჯალი, პური და
სხვანი, სამრეკლოსა ზედა ნაპრენი ნივთნი. შეიდი კაცი
გაპოსჩნდა ბრალეულად, ყოველნი იგინი არიან ხელო-
სანნი. ერთს მათგანს ეკითხა წოდება მისი და თვით აჩვენ-
ნა თავი თვისი ამშუოთრად. სახლსა შინა ერთსა მათგან-

ნისა პოენილ არიან საგიობელნი და აღმაშფოთებელნი თხუზულეზანი, რომელნიცა გამოუცია ესრელ წოდებულს „საზოგადოებისა მეგობართა ერისათა“. მხოლოდ ერთმა ბრალეულთაგანმა ჰყო ჩვენება რომელი შეიპირეს მისციდეთა და უნდოდათ სამრეკლოდამ სროლა პირისპირ მთაერობისა. ყოველნი იგინი არიან გლახაკსა მდგომარეობასა შინა. გასამართლებლად თავისა თვისისა შემოაქვსთ რომელ ერთმანეთს ვერ იცნობდენ და მაშასადამე პირობასაც ვერ შეეკრენ“.

ეს გაზეთი გამოდიოდა იმ ზომის ქალღმერთე, როგორც ზემოდ ხსენებული გაზეთები, თითო საწერ თაბახიან ქალღმერთედ. ეს გაზეთი კი ხანდისხან ორ თაბახედაც იბეჭდებოდა. ს. დოდაშვილის „თბილისის უწყება“ ზემო ხსენებულის გაზეთებისაგან განირჩეოდა მით, რომ აქ სხვა-და-სხვა განყოფილებათა გარეშე ლიტერატურული ნაწილიც იბეჭდებოდა. სხვათა მრავალთა შორის 1829 წ. ერთს ნომერში მოთავსებულია ლექსი, „ოცნება“ პუშკინისა, თარგმანი ალექსანდრე ჭავჭავაძისა. ერთი ნომერი ამ გაზეთისა მე გადმომცა ანტ. ფურცელაძემ, მას ეს ნონერი ქართლში ეშოვნა, შემდეგ „წერაკითხვის გამავრცელებელს საზოგადოებას“ გადაეცით. სულ რამდენი ნომერი გამოვიდა ამ გაზეთისა, ჩვენ არა ვიცით რა. სირცხვილია ჩვენთვის და თან სანატრელიც, რომ ვიცოდეთ რამე, რადგანაც გაზეთს ეტყობა, რომ დღიურ ცნობებს გარდა სიტყვა კაზმულს მწერლებასაც უნდა ჰქონდეს დიდი ადგილი დათმობილი, რადგანაც აქ დაბეჭდილი ვნახეთ პუშკინის ლექსი, თარგმანი ალ. ჭავჭავაძისა და ზოგიც სხვანი. სამი ოთხი წელიწადი გაზეთი გამოდიოდა და მას შემდეგ ისე მოეწყო ჩვენი საქმე, რომ დღეს ამ გა-

მაცემის ნომრები სამთლით საძებარი გვიხდება. რის წვა-
ლებით ოთხი ნომერი ვიშოვეთ. ამ გაზეთის მოსპობის მი-
ზეზათ ჩვენ 1832 წლის შემთხვევა მიგვაჩნია, რაის მე-
ოხებით შეშინებულნი ქართველნი აუქმებდნენ ამ გაზე-
თის ნომრებს; რადგანაც იგი რალაცის მომასწავებელი
ეგონათ.

ს. დოდაშვილს გაზეთის საქმე კარგად მისდიოდა-
სალიტერატურო ნაწილისთვის მან კერძოდ ჟურნალის
დაარსება ისურვა. 1831 წ. ამისთვის ნება-რთვაც აიღო.
და 1832 წლის იანვრიდან იწყო ორ-კვირიულ წიგნაკ-
ჟურნალის გამოცემა, ამავე სახელწოდებით რაც გა-
ზეთს ეწერა, დამატებასავეთ, ხოლო წიგნად; თითო წიგ-
ნის ზომა 64 გვ. 80 გვერდამდე შეიცავდა. საუბედუ-
როდ, ამ ჟურნალის სულ ოთხი წიგნი გამოვიდა. 1832 წ.
იგი დახურულ იქმნა გაზეთთან ერთად და მისი რედაქ-
ტორი ს. დოდაშვილიც რუსეთში იქმნა გაგზავნილი
1832 წ. „შეთქმის“ გამო. ამ „შეთქმის“ მეთაურობა
სხვათა შორის ს. დოდაშვილს დაჰბრალდა. აი თვით
ჟურნალის ზედაპირის წარწერაც, რომელიც მოგვყავს აქ.

თფილისის უწყება

სალიტერატურო ნაწილი

№ 3. ქ. ტფილისი, 1832 წელსა.

ამ ნომერის 72 გვერდია. აქ მოთავსებულია შემდე-
გი 1) ლექსად „მოწოდება“ ივერთა მამულის დაცვისათვის
დროსა სპარსთა შემოსელისასა საქართველოსა სამზღვართა.

შინა ლ. ლ. თ. გიორგი ერისთავისა. 2) ირაკლის მეორეს მეფობიდამ.—ისა. 3) პოემა „ოსური მოთხრობა“ უცნობისა. 4) კრიტიკა ს. დოდაშვილისა, შენიშენად დამარხვისსა წესსა ზედა უკანასკნელ მეფეთა ზედა საქართველოსათა, რომელიცა დაბეჭდილი იყო პარეელსა ნომერსა შინა რუსულთა გაზეთისა 1831 ამასა წელსა“.

ამ შინაარსიდან მკითხველი მიხედვება, რომ ს. დოდაშვილს მაშინათვე შეუგნია თავის მოქმედების მოვალეობა, თავის ასპარეზის ვითარება. აბა დავაკვირდეთ 1832 წ. და თან ამ განყოფილებას, მაშინ ჩვენ ეს დიდ საოცრადაც დაგვიშთება, ასე კარგად, ასე კანონიერ წესდებურად თავის მოვალეობა თვით დღევანდელ ქართველსაც-კი არ ესმის. დღეს ხშირად უარყოფენ მას, რაც ჩვენის პაპებისაგან უკვე ბრძნულად გამორკვეულა. ს. დოდაშვილს გაზეთისათვისაც სცოდნია ამბების შერჩევა, ამას ზემოდ მკვირანოლის ცნობებითაც დარწმუნდებით. მისდა საუბედუროდ ს. დოდაშვილს მხოლოდ ქართული ენა არ უვარგოდა. ესეც ძველ სამღრთო წერილის ენის კალოს გავლენის ქვეშ მყოფი აღმოსჩნდა, რაც ცხადი საქმეა, თვით გამოცემასაც მძიმე მისწრაფებას მისცემდა; ეს ასეც ყოფილა, სოლომონ დოდაშვილის გარდასახლებით მოისპო ორივე გამოცემა და მის შემდეგ ქართველთაგან აღარაფის უფიქრნია რამე დრო-გამოშვებით გამოცემის მოსახერხებლად. საქმე და სავალალო ის გახლდათ, რომ ბოლოს მოღებით შეჩერდა დიდის ხნით ქართულ ენაზე რაიმეს გამოცემა. ეს მოხდა სწორედ იმ დროს, როდესაც თფილისში მცხოვრებ თავად-ახნაურებმა მამულების ფანტვა ხურმის ფასად იწყეს. როცა მთელი თფილისის ქართველთ მამულებში სომხების ხელში იწყო გადასვლა, ამ

დროს, ქართველთათვის საჭირო იყო კარგი რამ დრო-გამოცემა, აღმნიშვნელად ყველა ჩვენის მაშინდელის უბედურებისა; მაგრამ ეს ასე არ მოხდა, მთელი ერი და ქვეყანა ჩუმმა საიდუმლოებამ მოიცვა. ქართველთ შიშის ზარმა ისე დაუარა, რომ არამც თუ რამე გამოცემის მოხერხება, არამედ სატლში შეიღებს ქართულ ენასაც-კი უკრძალაედენ... ასე და ამ გვარად მისწყდა ქართველებში გაზეთის და წიგნების გამოცემაც-კი...

შაემან და ბნელმან წუთებმა ნელ-ნელა იწყეს ფრენა, ქართველნი ღრმა ძილს მიეცნენ. ამასობაში მოახლოვდა 1845 წ. მალე ახალ მთვარ-მართებლად ვარანცოვი დაინიშნა. ეს მალეც მოვიდა 1846 წ. თფილისში; პ. იოსელიანმა კვირის რუსული გაზეთის „ზაკავკასკი ვესტნიკის“ გამოცემა იწყო; ამავე გაზეთის გამოცემის დროს მთავრობის გაზეთი „კავკაზიც“ დაარსდა; საქართველოში პირველი რუსული გაზეთი 1829 წ. დაარსდა, ეს სულ ორ წელს არსებობდა და მეორე და მესამე რუსული გაზეთი-კი 1846 წ. ამ გაზეთებში იბეჭდებოდა მთავრობის განცხადებანიც, მაგრამ მაშინ რუსულის კათხვა ჩვენ ხალხში ბევრმა არაინ იცოდა. ამიტომ 1846 წ. ქართულს ენაზე იწყეს ქართულის გაზეთის „კავკაზის“ გამოცემა. ამ გამოცემაში იბეჭდებოდა ოფიციალური განცხადებანი რუსულის „კავკაზისა“. ქართულ განცხადების ბეჭდვამ 1850 წლამდე გასტანა. განცხადებებს ხან პ. იოსელიანი სთარგმნიდა, ხან ფალაფანდოვი. ამ განცხადების ერთი ნომერი ენახეთ ჩვენც. პატარა ზომისა არის, ერთ საწერ თაბახიან ქალაღბვა დაწერილი. ეს ქართული „კავკაზი“-ც ისევე კვირაში ერთხელ გამოდიოდა, როგორც რუსული გამოცემა: 1850 „კავკაზს“ გარდა ფალა-

უნდოვი „ზაკავკასკი ვესტნიკის“ ოფიციალურს ცნობებსაც სთარგმნიდა და ბეჭდავდა. ამ გამოცემას ქართულად ბ. გ. ყიფშიძის სიტყვით „მახარობელი“ რქმევია, ე. ი. „ვესტნიკ“, 50 წლებში, პეტერბურგში მცხოვრებ ქართველთ შორის ასტყდა საუბარი ქართულს ენაზე რაიმე სალიტერატურო გამოცემის დასაარსებლად. მალე გარდასწყვიტეს და ისურვეს პეტერბურგს თეიურ ჟურნალის გამოცემა, რომელსაც სახელად „არე“ უნდა სწოდებოდა. ერთ დღე იმავე დროს, ქართულ ჟურნალის გამოცემისთვის თფილისშიაც ზრუნავდენ და პეტერბურგშიაც... თფილისში ზრუნავდენ „ცისკრის“ გამოსაცემად. ჟურნალ „ცისკრის“ გამოცემის შესახებ აი რა მიაშრო ვახ. ორბელიანმა:

ვარანცოვმა ირწმუნა ჩენი მუდარება, უმაღლეს მთავრობასთან მეცადინეობა დაიწყო, 1851 წლის ბოლოს გ. ერისთავმა უკვე „ცისკრის“ გამოცემის ნებართვა მიიღო. ამისთვის მას ვარანცოვისაგან საბეჭდი სტამბაც ეჩუქა და წელიწადში 500 მან. დახმარებაც დაენიშნა. გ. ერისთავმა „ცისკირი“ სულ ორ წელს გამოსცა. 1854 წ. პირველიდან აღარ გამოიცა, მოისპო. გ. ერისთავმა უხვიროდ დაიწყო „ცისკრის“ ბეჭდვა. ჟურნალი თავის დროის კვალად არ გამოდიოდა. ჟურნალს თავზე ასე აწერია: „ცისკარი“, „სალიტერატურო ჟურნალი“. ევროპის შემდეგ 1854 წლიდან ახალის მთავარ-მართველის ბრძანებით „ცისკარს“ დახმარება მოესპო, ამიტომ „ცისკარიც“ უცბად დაიხურა...

„ცისკრის“ დახურვის შემდეგ ქართველთ შორის გაჩნდენ ისეთი პირები, რომელთაც გულმტკინეულობით დაიწყეს საუბარი ქართული რაიმე გამოცემის დაარსების შესახებ. საუბარი ასტყდა, ზოგმა სთქვა:— „ცისკარი“

განეახლოთო, ზოგმა ახალი რამ გამოცხეთო, ზოგმა
სთქვა:— „ვთუ ახლის ნებართვა არ მოგეცენო, ამიტომ
ისევე „ცისკრის“ განახლება ვითხოვოთო. მხოლოდ პრო-
გრამა შეუცვალეთო“. ივ. კერესელიძემ მიამბო: „პრო-
გრამა დიმიტრი ყიფიანმა შეაღგინა და პირველ კრების
შემდეგ წარმოადგინა და წაიკითხაო. პროგრამა კარგათ
იყო შედგენილიო. მაგრამ ბევრმა ეჭვი განაცხადეს, ვთ-
ითუ ასეთის პროგრამით გამოცემის ნება არ მოგეცენო-
სამეცნიერო ნაწილი შევამოკლეთ, ძველებურის გამოცე-
მის პროგრამის კვალად დავეწერეთ ახალი პროგრამა და
მივართვით მთავარმართველსო, რედაქტორად მე ვრყავ
დასახელებულიო“. „ცისკრის“ განახლების ნებარ-
თვა ივ. კერესელიძემ 1856 წ. მიიღო და 1857 წ. პირველ იან-
ვრიდამ გამოცემაც იწყო. გამოცემის საქმეში დიდად ეხ-
მარებოდა ალ. ორბელიანი. რედაქცია რადგანაც ლარიბი
იყო, ამიტომ იგი მოთავსებულ იქმნა ალ. ორბელიანის
სახლში, „ცისკარმა“ გ. ერისთავის გამოცემაზე უკეთესად
იწყო გამოხელა. ჟურნალის ასეთი წარმატება გ. ერის-
თავს ძლიერ ეწყინა, ივ. კერესელიძეს ხელის შეშლა და-
უწყო, ნისიად მიყიდული სტამბა დაუკეტა! ივ. კერესე-
ლიძემ მწუხარებით გარდმომცა, რომ ვსს მ. გულისთვის
ჟურნალი გამიჩერაო: მე მაშინ გემნაზიაში „ნაღზირატ-
ლად“ ვიყავიო. ერთს საღამოს კარი ვილაპაც დამიკაკუნა,
გავადე კარი თუ არა, ერთმა კაცმა წერილი მომცაო, ეს
ამა და ამ კაცმა გამოგიგზავნათ, თვით კი წაფიდაო. გაეხ-
სენი წერილი, შიგ 300 მ. იღო შემდეგის წერილითო:
„ივან ივანის! თქვენი ერთად ერთ ქართულ ჟურნალ
„ცისკრის“ გამოცემას მე ისეთის თანაგრძნობით ვუმხერ,
რომ ამ 300 მ. გიგზავნი, რათა ამით სტამბა დაიხსნათ

და „ცისკარა“ ჰბეჭდოთ“, მეორე დღეს სტამბა გაენთავისუფლე და „ცისკრის“ გამოცემა დაეიწყეო. ეს გარემოება ისე ეწყინა გ. ერასთავს, რომ მან „ცისკარში“ თავის სიკვდილამდე ერთი პწკარიც არ დაბეჭდაო... ვიდრე „ცისკარს“ გამოეცემდით, მინამდის აღ. ორბელიანი ენით ქადაგებდა და 1856 წ. თფილისში პატარა ქართული წიგნიც დაბეჭდა, სადაც „ცისკრის“ გამოცემის შესახებ საუბრობს და ხალხს ურჩევს, რომ ამ კეთილ საქმეს ხელი შეუწყეთო. 1857 წ. „ცისკარმა“ 1875 წლის ნახევრამდის გასტანა. იგი ისეთ დროს მოისპო, როცა ქართულს ენაზე ერთ გაზეთ „დროების“ მეტი სხვა არაფერი არსებობდა.

„ცისკრის“ გამოცემაში ქართველთ ცხადად ამცნია, რომ მათთვის დიდ საჭიროებას შეადგენდა სამეურნეო გაზეთის გამოცემაც. 1860 წ. უკვე გადასწყვეტეს „ცისკართან“ ერთად სამეურნეო გაზეთის „გუთნის-დედის“ გამოცემა. რედაქტორობა იე. კერესელიძემ იკისრა. თხოვნა მალე მიართვეს სადაც ჯერ იყო, მთაერობამ თხოვნა შეიწყინარა. 1861 წლიდან თფილისში უკვე იწყო „გუთნის-დედამ“ გამოსვლა. ორ კვირაში ერთხელ გამოდიოდა, შიგოველთვის სამეურნეო წერილები იბეჭდებოდა. ასეთის წერილების წერით კარგი შრომა დასდო იოსებ მამაცაშვილმა, სამეურნეო სწავლის მკოდნემ და მწერალმა. „გუთნის-დედამ“ 1867 წლამდე გასტანა. 1868 წ. აღარ გამოვიდა. შემდეგ ეს გამოცემა განაახლა ანტონ ფურცელაძემ და 1875—76 წ. ჰბეჭდა კვირაში ერთხელ. ამ დროის გამოცემა მეტად საყურადღებოა, მასში ბევრი ძვირფასი წერილები დაიბეჭდა. „გუთნის-დედა“ საყოველთაოდ მოისპო 1876 წლის შემდეგ. დღეს ამ გაზეთის ნომრების მოპოვება ერთობ იშვიათია.

1860 წ., „ცისკარში“ თანამშრომლები ორ წრედ, ორ დასად გაიყვნენ. ამ ორ წრეთა მეთაურებად ითვლებოდნენ აკაკი, ილ. ჭავჭავაძე, ანტ. ფურცელაძე და რამდენიმეც სხვა პირნი. ილ. ჭავჭავაძემ „ცისკარში“ წერასა და წერილების ბეჭდვას კარგის თვალთ არ შეხედა. მას სხვებიც ბევრი უმზერდნენ ასე, ამიტომ ილ. ჭავჭავაძემ საკუთარის ჟურნალის გამოცემა ინატრა. 1862 წ. ბოლოს უკვე მიიღო ნებართვა და 1863 წ. პირველ იანვრიდან, თბილისში იწყო თვიურ ჟურნალ „საქართველოს მოამბის“ გამოცემა; რედაქტორად თვით ილ. ჭავჭავაძე იქმნა დამტკიცებული. ამ ჟურნალსა და „ცისკარს“ შორის პოლემიკა ატყდა. „ცისკარის“ უმთაერეს პოლემიზატორად ანტონ ფურცელაძე გამოვიდა და „საქართველოს მოამბის“ მხრივ თვით რედაქტორი. ერთნი მეორეს მიმართულებას უწუნებდნენ. აკაკი „ცისკარში“ შრომობდა. ამ საკამათობრივობის ნიადაგის გამტკიცებას ერთის მხრით ის გარემოებაც დაეხმარა, რომ „საქართველოს მოამბეზე“ წინეთ „ცისკარში“ აღმოსჩნდნენ ზოგიერთი ისეთი ახალგაზრდა მწერლები, რომელთა ნაშრომიც ზოგიერთ უხუცესს მწერლებს არ მოსწონდათ. ამ არ მოწონებას იმაზე ამყარებდნენ, რომ ეს არ მოსაწონი ყმაწვილები „რუსეთუმეები“ არიან, თერგის წყალი დაუღვებიან და მით სხვა სულის მექონ გმირებად შექმნილანო. ამ შეხედულებამ დაბადაქართველებში „თერგ-დაღვულები“-ს ხანა, რომელთაც 1862 წ. შემდეგ თვალ-საჩინოდ იჩინეს თავი, მათის მეოხებით რამდენიმე კარგი კითხვებიც განიმარტა თუ „ცისკარში“ და თუ „საქართველოს მოამბეში“.

„საქართველოს მოამბე“ წლის გასულს დაიხურა. 1864 წლიდამ იგი აღარ გამოსულა. ილ. ჭავჭავაძის ყვე-

ლა საუკეთესო ნაწერები სულ ამ გამოცემაში დაისტამბენ, მაგალითებრ: „კაცია-ადამიანი, გლახის ნამბობი, აჩრდილი, კაკო ყაჩალი“ და ზოგიც სხვები. გამოცემა წელიწადში 10 მან. ღირდა. ზომით „ცისკარზე“ უფრო სრული იყო, დღევანდელის „მოამბის“ ზომის და გარეგნობითაც მისი ფერი ედო. ამ ჟურნალის დახურვის შემდეგ ქართველთათვის დაშთა მარტოდ „ცისკარი“ და მისი დამატება „გუთნის-დედა“. „მოამბის“ ზოგმა მწერლებმა ისევ „ცისკარში“ იწყეს წერა. უნდა ითქვას, რომ ვინცკი 1860—70 წლებში ქართულ მწერლობაში სახელი განითქვეს და თავი იჩინეს, ყველამ მათ „ცისკარში“ იწყეს წერა. ეს ჟურნალი და ივ. კერესელიძე გახდა მათ წამხალისებლად, ამან ააღებინა ყველას კალამი. პირველად იქ დაიწყეს წერა; აკაკიმ, ილ. ჭავჭავაძემ, გ. წერეთელმა, ანტ. ფურცელაძემ, ნ. ნიკოლაძემ და ბევრმაც სხვებმა, რომელთაც შემდეგ დაამშვენეს ქართული მწერლობა. 1860 წლის შემდეგ ქართველთ შორის არამც თუ მარტოდ ნასწავლი ქართველნი მიეცნენ გონებრივ წარმატებას და წინსვლას, არამედ ეს მთელის ქართველობის მცირე ნაწილმაც შეიგნო, განუჩევლად წოდებისა; ასეთია, მაგალითებრ, ქართველთ სამღვდელთა გარემოება იმ დროში. მაშინდელ ქართველ სამღვდელოებამ ქართულს ენაზე სასულიერო ჟურნალის გამოცემა ისურვა; ეს მათ მალეც მოახერხეს და 1864 წლის ნახევრიდან, თბილისში, გ. ხელიძის რედაქტორობით იწყო გამოსვლა „საქართველოს სასულიერო მახარობელმა“ თვითრად, რუსულის დამატებით. წელიწადში 6 მან. ღირდა. გამოცემა ვერ მიდიოდა თავის დროის შესაფერად. ორიოდვე საქართველოს ისტორიულს მასალებს გარდა ჩვენ იქ სხვას ვერას ვხედავთ ღირსეულს.

ორი სამი წერილიც პ. იოსელიანისა არის მოთავსებული, ისიც რუსულ ენაზე, რუსულს განყოფილებაში. საუბედუროდ უფერულად დაბადებული „სასულიერო მახარობელი“ უფერულადვე მოისპო 1866 წ. ნახევარს, ე. ი. სულ ორ წელიწადს იდღეგრძელა. კარგს, მხნეს და ქართველ-მამულის შეიღს მღვდელს-კი შეეძლებოდა მის გამოცემა, წინ გაძლოლა, მაგრამ ეს ასე არ მოხდა!

როგორც ვსთქვით ზემოდ, ქართველთ შორის წარმატების ნიშანმა ყველგან იჩინა თავი, ყველა ნაწილს დაემჩნა ეს; აქ ამ დროს, რუსეთიდან განათლებული ქართველნიც გამოჩნდნენ, მცირედ 1860 წლების სხივამაც დაჰბერა, მას თან მოჰყვა სხვა-და-სხვა რეფორმებიც. საქართველოში ბატონ-ყმობის გადავარდნის ამბავმაც მოაღწია. 1864 წ. იგი გადაეარდა. აჲად თუ კარგად ამ გარემოებამ ქართველთ თვალი გაუხილა. მანამდე თბილისს მთლად სხეები ჰულობდნენ, იმ დღიდან-კი ქართველთაც იჩინეს თავი, გაჩნდნენ სხვა-და-სხვა მუშები, ხელოსნები, წერილი ვაჭრებიც-კი. ყველას მათგანს ცხადად ემჩნეოდა ხალისი და შრომა, ყველა მათგანი თვალს ახელდა. ესეთი მოვლენა იმ დროის შესმენილ ქართველთათვის სასიხარულო მოვლენას შეადგენდა, უმაგალითოს. აქ ამით ქართველთ გაღვიძების და განახლების ზარი დაირეკა. აქ გაჩნდნენ დ. ბაქრაძე, ნიკოლოზ ლოლობერიძე, ვ. თულაშვილი, დ. ყიფიანი, სტ. მელიქიშვილი და რამდენიმეც სხვა პატიოსანი ქართველნი, მათ განიზრახეს ქართულს ენაზე გაზეთის გამოცემა. ამის დროც იყო უკვე, ქამი მოახლოვებულ იქმნა, ამავე დროს თბილისში ჩამოვიდა გიორგი წერეთელი. გ. წერეთელს, როგორც მხნესა და ერთგულს, წინაღვე იცნობდნენ ზე-

შოდ დასახელებულნი პირნი. მათ გიორგი წერეთელს გა-
ზეთის რედაქტორობის სახელის მიღება დააფალეს. გ. წე-
რეთელიც თანახმა გახდა, გამომცემლად-კი სტ. მელიქი-
შვილი დანიშნეს, რომელსაც მაშინ თბილისში საამხანაგო
სტამბაც ჰქონდა. მალე წესდება შეამუშავეს და 1865
წლის ბოლოს მთაერობას სთხოვეს კვირის გაზეთ „დროე-
ბის“ გამოცემა.. 1866 წ. მარტის პირველიდამ გ. წერეთ-
ლის რედაქტორობით და სტ. მელიქიშვილის გამომცემ-
ლობით თბილისში იწყო „დროებამ“ გამოსვლა, კვირაში
ერთხელ, პარასკეობით. გაზეთის ზომა დღევანდელის „ივე-
რიის“ ზომის იყო, წელიწადში 6 მან. ღირდა. გაზე-
თის საქმე საქართველოში თუმც არ ახალი იყო, მაგ-
რამ რადგანაც რედაქტორს პირველს წლებში გაზეთის
ხარჯით დარჩენა გაუჭირდებოდა, ამიტომ ზემოხსენებულ
პირებისაგან გ. წერეთელს თვეში ჯამაგირად 50 მან. და-
ენიშნა. ბ. ნიკოლოზ ლოლაბერიძემ მიამბო შემდეგი:
„მაშინ „დროება“ კვირაში ერთხელ გამოდოდა, მაგრამ
როგორც ახალი საქმე, ისე გვიჭირდებოდა, რომ ნომრის
გამოსვლის წინა დამეს ხშირად შუალამემდის სტაჰბაში
ვრჩებოდით; გ. წერეთელს თვეში 50 მან. ვაძლევდით.
გაზეთის შემოსავალი-კი გამოცემას უნდებოდა, არც-კი
ჰფარავდა გასავალს, ამ საქმეს ჩვენ ემეთაურობდით, დ. ბაქ-
რაძე, სტ. მელიქიშვილი, ვახტანგ თულაშვილი და მე“.

გაზეთის გამოცემა საქართველოში ახალი საქმე არ
იყო, მაგრამ 1832 წ. შემდეგ 1869 წლამდე იმდენმა
ხანმა გასტანა, რომ აქ ქართველთათვის ყველაფერი ხამ
მოვლენას შეადგენდა, მართლად საგაზეთო წერილების
წერა და ტერმინების გამორკვევა აჭირვებდა საქმეს.
ბევრის შრომით და ღწვით გაზეთმა გზა გაირკვია, თა-

წამგრძნობთ გარდა ისეთი თანამშრომლებიც მოიპოვა, რომელთაც უადვილესად იწყეს საგაზეთო წერილების წერა. ამ გაზეთის გამოცემით იწყება ახალი ხანა, როგორც ქართველ ერის ცხოვრებაში, აგრეთვე ქართულ მწერლობის ასპარეზზე. მოკლედ უნდა ითქვას, რომ 1866 წლიდან ქართველთ შორის „ღროების“ გამოცემაში ძირითადი ცვლილება მოახდინა, მან აღანთო სინათლის მომცემი სანთელი, ამ სანთელმ აიყოლია უმრავლესობა. ამ ძალოვნებას დიდათ ეხმარებოდა ის გარემოებაც, რომ „ღროება“-ში იწყეს წერა ყველა ჩვენსა გამოჩენილმა მწერლებმა. ჟურნალ „ცისკარს“ ცოტა არ იყო „ღროებამ“ საქმე შეუფერხა, მაგრამ მაინც „ცისკარი“ სულდგმულობდა, რადგანაც მას აქა იქიდანაც ეხმარებოდნენ. გ. წერეთელი მართოდ „ღროებაზე“ არ შეჩერდა, მან სხვა გაზეთის გამოცემა ინატრა, 1868 წ. ეს მოახერხა კიდევ, ამიტომ გაზეთი „ღროება“ სერგეი მესხს გადასცა. სერგეი მესხი მეტად ამაგდარი პირია ჩვენი მწერლობის ასპარეზზე; არა მგონია, რომ ქართველ მოღვაწეთ შორის მას ბევრი ჭინმე შეედაროს ჩვენში. მან იწყო „ღროების“ გამოცემა. რადგანაც მისთვის გაზეთის გამოცემა შეიძლებოდა ძნელი ყოფილიყო შეუძლებლობის გამო, ამიტომ „ღროების“ გამომცემლად ისევ სტეფანე მელიქიშვილი დაშთა (ქართველ-კათოლიკე) და რედაქტორად ს. მესხი. სტეფანე ზარაფოვა (ქართველ-კათოლიკე), მაშინდელმა მდიდარმა მოქალაქემ, ს. მესხს. ერთი შრომა მიანდო, რაშიაც იგი თვეში 50 მ. აძლევდა. ამით ს. მესხი სცხოვრებდა და გაზეთის შემოსავალი გაზეთსავე ხმარდებოდა.

ნელ-ნელა ხალხში „ღროება“ ფეხს იდგამდა, ს.

მესხის ენერგიული შრომაც დიდს ძალას აძლევდა წარ-
მატებისთვის. ამ მოღვაწემ მასზე უანკაროდ იმუშავა.
თავის დაუღალაფის მოღვაწეობით ბევრს მღაბიოს ას-
წავლა კითხვას გარდა თვით საგაზეთო წერილების წე-
რაც. ყველა ამისთვის იგი ხშირად დიდს ვაჭირვებასაც
ითმენდა, ამ ვაჭირვების მნახელია თვით ამ სტრაქანების
დამწერი. სერ. მესხი კარგა ხანს დარჩა „დროების“ რე-
დაქტორად.

1875 წლიდან „დროება“ კვირაში სამჯერ გამოცდა,
ცოტა გაზეთის ფორმა-კი დაუპატარავა, ფასი წელიწადში
10 მან. გამოცხადდა. 1877 წ. რუსთა და ოსმალთ ომი
დაიწყო, ხალხში დიდს საჭიროებას შეადგენდა დღიური
დებეშების კითხვა. ამ წლის აპრილიდან ს. მესხმა „დროე-
ბაც“ დღიურ გაზეთად გადააკეთა, ხოლო ზომას კიდევ
დაუკლო, 1879 წლამდე ამ ზომით გამოდიოდა. 1880 წ.
ქურნალ „ივერია“-ს დაუკავშირდა. ასე ამჯობინეს; გა-
ზეთს ზომაც მოემატა, ხელის მომწერლებიც გაპრავლდა.
1882 წლის ბოლოს „ივერიას“ მოსცილდა. ს. მესხიც
აქედ გახდა, 1883 წ- გაზეთი ივ. მაჩაბელს გარდასცა,
თვით აბასთუმანს წავიდა ავადმყოფობის გამო, მაგრამ
იქიდან ველარ დაბრუნდა, 1883 წ. გარდაიცვალა. მას
შემდეგ „დროებას ივ. მაჩაბელი განაგებდა, მაგრამ ამის
ხელში გაზეთი დიდ ხანს ვერ დარჩა. 1885 წ. ენკენის-
თვის პირველ რიცხვს მთავრობის განკარგულებით „დრო-
ება“ საყოველთაოდ მოსპობილ იქნა. ამ დროს „დროე-
ბის“ გამომცემლად იროცხებოდა ცნობილი ქართველი,
გიორგი დავითის ძე ქართველიშვილი, ძვირფას ვეფხის-
ტყაოსანის გამომცემელი. მე აქ განზრახვად არ მაქვს
რომ გამოცემათა ცნობებს გვრდა გამომცემელთა და რე-

დაქტორთა ბიოგრაფიულ ცნობებზედაც ვისაუბრო, ამიტომ დაწერილებით საუბარს რედაქტორ-გამომცემელთა შესახებ გვერდს აუელი. მართოდ გამოცემათ ეცხები. ამიტომ იე- მაჩაბელზე აქ არას ვამბობთ, ასეთ პირთა შესახებ ჩვენ სხვაგან გვაქვს საუბარი. მაშ აქედან ისევ საგანს დაეუბრუნდებით. გ. წერეთელმა „ღროების“ მოშორების შემდეგ, თბილისში „სასოფლო გაზეთის“ გამოცემა იწყო, ორ კვირაში ერთხელ, კარგის პროგრამით, როგორც სამეურნეო გაზეთი ეს გამოცემაც დაემჯობინა იე. კერესელიძის სამეურნეო გაზეთ „გუთნის-დედას“. ამის გამოცემის შემდეგ „გუთნის-დედა“ დიდხანს ველარ გასძლო, მალე დაიხურა. რედაქტორმა იმეცადინა და რაც სამეურნეო საზოგადოებისაგან „გუთნის-დედა“-ს დახმარება ეძლეოდა, ის დახმარება „სასოფლო გაზეთს- მიეცა. ამ გარემოებამ გაზეთს პირში სული ჩაუდგა. ასეთ დახმარებას გარეშე კერძო, ანუ გარეშე ხელის მომწერნიც ჰყვანდენ. „სასოფლო გაზეთში“ სამეურნეო ნაწილს გარდა ეთნოგრაფიულს წერილებსაც ჰბეჭდადენ, მოთხრობებს, ლექსებს; სამეცნიერო სტატიებიც ხშირად იბეჭდებოდა: ფიზიკიდან, ბოტანიკიდან, ანატომიიდან და ექიმობიდანაც. ეს გაზეთი გ. წერეთელმა კარგა ხანს მართა, ევროპაში წასვლის წინეთ იგი პეტრე უმიკაშვილს გარდასცა, პეტრე უმიკაშვილმა 1878 წლამდე ჰბეჭდა „სასოფლო გაზეთი“ და მერე-კი მოსპო, რადგანაც ხელის მომწერთა რიცხვმა ერთობ იკლო. მთავრობაც აღარაფერ დახმარებას უჩინდა. წელიწადში ამ გაზეთის ფასი სამი მანეთი იყო, გამოდიოდა ერთ კარგს ერცულ საბეჭდს ქალაღდზედ, ხოლო დაკეცილი. ვამიგონია, რომ სოფლის საზოგადოებათა წინაშე „სასოფლო გაზეთს“ არა მცირედი

სარგებლობა მოუტანიაო. ეს ეცოდინებათ მათ, ვინც ჩვენი სოფლის ხალხის განვლილ დროთა ცხოვრებას იცნობს. ასე და ამ გვარად 1870 წ. ქართველებს სამი გაზეთი გვექონდა და ერთი ჟურნალი; სახელდობრ: „დროება“, „სასოფლო გაზეთი“, „გუთნის-დედა“ და „ცისკარი“ თეიურ ჟურნალი. ამ დროს „ცისკარი“ ძრიელ ლატაკად გამოდიოდა, ამიტომ ზოგიერთ წარჩინებულ—ქართველთა წინაშე დაიბადა აზრი ახალი ჟურნალის გამოცემის. ამისთვის იმეცადინეს და იშრომეს მრავალთა. 1868 წ. მთავრობისაგან უკვე ნებართვა აიღეს და 1869 წ. ნიკოლოზ ავალიშვილის რედაქტორობით თეიურ ჟურნალ „მნათობმა“ იწყო გამოსვლა.

„მნათობის“ პროგრამა კარგად იყო შედგენილი. ამ ჟურნალში მრავალთ მიიღეს მონაწილეობა. აქ დაიბეჭდა ბევრი რამ საფუძვლიანი თხზულება, თარგმანებიც: მასე, კომბი, ჯონ სტუარტ მილი, სერვანტესი, ბაირონი, შექსპირი, შილლერი და ბევრი სხვანი. გამოცემა წელიწადში რვა მან. ღირდა. ჟურნალს ასე ეწერა:—„მნათობი, საპოლიტიკო, სალიტერატურო და სამეცნიერო ჟურნალი 1869 წელს“. რადგანაც „მნათობის“ გამოცემა 1869 წ. მარტიდამ დაიწყო, ამიტომ ამ წელს მხოლოდ ათი წიგნი გამოიცა. „მნათობში“ შრომობდენ სხვათა შორის აკაკი და ანტონ ფურცველაძე. ანტ. ფურცველაძე ერთ უმთავრეს თანამშრომლად ითვლებოდა. ამ ჟურნალის გამოცემაზე ანტ. ფურცველაძეს შრომას გარდა ფულიც საკმარისი აქვს დახარჯული. „მნათობის“ გამოსვლამ სასტიკად იმოქმედა „ცისკარზე“, ამ ჟურნალს დიდ ძალა შემოაკლდა. იგი მარტოდ რედაქტორის ამარადარჩა. „ცისკარი“ „მნათობს“ როგორმე გაუძღვებდა,

მაგრამ მის უბედურება ის იყო, რომ „მნათობის“ მოკა-
მათე „ღროების“ მეთაურებმა ჯინზე ჟურნალის გამოცე-
მაც განიზრახეს; 1870 წ. მთავრობას თხოვნა მისცეს და
1871 წ. თბილისში გამოსვლა იწყოს ორ თვიურ ჟურნალ
„კრებულმა“ გ. წერეთლის რედაქტორობით. ამ ჟურნალს ასე
აწერია ზეიდან: „კრებული, სალიტერატურო და საპოლიტიკო
ჟურნალი“ გაზეთ „ღროების“ და „კრებულის“ ხელის მომწერა
ერთად იყო გამართული და ცალ-ცალკეც. ჟურნალ-გაზეთე-
ბის და წიგნების ბეჭდვა ყველა ერთი და ნამეტურ ჩვენში და
ისიც 1871 წლებში ერთობ დიდს საქმედ მიგვაჩნია, მაგ-
რამ უბედურება ის არის, რომ მაშინ ქართულს ენაზე
რაც იბეჭდებოდა, ისიც რის ვაი-ვაგლახით არსებობდა,
მის ხელის მომწერნიც სანთლით საძებარნი იყვნენ და
აბა „კრებულს“ რაღა უნდა შესძლებოდა, რითი უნდა
ესულდგმულა? „ღროებას“ 300 ხელის მომწერი ძლივს
ჰყავდა, „ცისკარს“ 100 ხელის მომწერი, „მნათობს“
250-მდე, „სასოფლო გაზეთსაც“ 300-მდე, „კრებულს“
რაღა მოუგროვებდა? ბოლოს-ვით ის მოხდა, რომ
„კრებულ“მა „მნათობს“ ხელი შეუშალა. ჯერ დღეს, ამ
მეოცე საკუნეს ვერ გაუძლია 4—5 ქართულს გამოცე-
მას და აბა მაშინ საიღამ რა უნდა ქმნილიყო. როცა
ქართველთ განათლებულთ რიცხვი ერთობ მცირე იყო
და მდბალი ხალხი ხომ სულ არ მისდევდა მწიგნობრო-
ბის საქმეს. „კრებულმა“ „მნათობს“ მით უფრო შეუ-
შალა ხელხ, რადგანაც „კრებულში“ შრომა დაიწყეს
ილ. ჭავჭავაძემ, აკაკიმ, ნ. ნიკოლაძემ, გ. წერეთელმა
და ზოგმაც სხვებმა. 1871 წ. „კრებული“ ორ თვეში
ერთხელ გამოდიოდა. 1872 წ. ბოლოს მთავრობას თხო-
ვნა მისცეს „კრებულის“ თვიურად გამოცემაზე. ნებართვა

მიიღეს, რედაქტორად კირილე ლორთქიფანიძე იქმნა და-
ნიშნული 1873 წ. „კრებულომა“ თვითურად იყო გამოს-
ვლა, მაგრამ წლის ბოლოს „კრებულის“ მოისპო. 1873 წ.
„კრებულის“ სულ ათი ნომერი გამოვიდა. 1871—72
წლებში კი 12 წიგნი. სულ 22 წიგნი გამოიცა. ამაზეა
ქართულად ნათქვამი:—„შენც წახდი მეც წამახდინე,
ქრისტე აღსდგა, გიხაროდესო“. 1869 წ. „მნათობი“ დაი-
ბადა, მას შეცილებად 1871 წ. „კრებულის“ მოველინა.
იმიტომ „მნათობი“ 1872 წ. ბოლოს მოისპო, ყველას
ეგონა, რომ ახლა მაინც იდღეგრძელებსო და ის-კი არა
1873 წლის ოქტომბრის ბოლოდამ „კრებულის“ მოისპო.
კირილე ლორთქიფანიძე პატიეცემელი პირია ქართულს
მწერლობაში, იგი თავის ნაწერებს გვარსაც არ აწერდა.
სხვათა შრომის მისგან ნათარგმნი ლექსები „კრებულში“
ნათლად ბრწყინებენ, ეს ლექსები დღესაცა დიდის ხალისით
იკითხება, ლექსები გახლავთ ექტორ ჰუგოსი დობროლ-
უბოვისა და ნეკრასოვის „პოეტი და მოქალაქე“.

კირილე ლორთქიფანიძეს სულით და გულით ეწა-
და „კრებულის“ გამოცემა, მაგრამ მაშინ დრო ისეთი
იყო, გამოსაცემ საშუალებას თვით სესხათაც ვერსად შო-
ულობდა. მეათე წიგნის შემდეგ ვეღარ გამოსცა. ასეთ
მდგომარეობაში იყო მოთავსებული ქართულ გამოცე-
მათა საქმე და მეტად დაკნინებულს სურათს წარმოად-
გენდა, თუმცა იპაე დროს ჩვენ სახლის შეილთა შორის
ძრიელ ბევრნი შეძლებულნიც იყვნენ, მაგრამ არც ერთი
მათგანი ქართულ მწიგნობრობას ზედაც არ უყურებდა.
თვით კირილე ბეჭანისძე არის ერთი უწარჩინებელესი
ქართულ მოღვაწე მამულის შეილთაგანი, რომლის მსგავსი
პატროსანი მოღვაწე კაცები ქართველთ შორის ერთობ

იშეიათია, იგი სათნოება არს სუფთა ქართველ ჯგუფისა, მაგალითი ყველასი და მასთან მრავალ წაირად ნაშრომი ქართული მწერლობის ასპარეზედ. „კრებულის“ და „მნათობის“ დახურვის შემდეგ „ცისკარმა“ სამს წელიწადს გასტანა, ჩვენდა საუბედუროდ, საქმე ისე მოგვიხდა და „ცისკრის“ რედაქტორსაც ისე აეხვეწა საქმეები, რომ 1875 წ. დასაწყის მხოლოდ ორი წიგნილა გამოსცა „ცისკრის“ და მის გამოსვლით ესეც მოისპო, დარჩა მხოლოდ გაზეთ. „დროება“. ამ გაზეთს გარდა ხანდისხან „სასოფლო გაზეთი“ და „ვუთნის დედაც“ ჩნდებოდნენ, მაგრამ ეამათ ბედსა და გამოჩინას.

საქართველოში, ქართველთა თეად აზნაურთა ბანკებმა თფილისსა და ქუთაისს თეალთ საჩინოთ იწყო მოქმედება, ამთგან ხშირად სხვა და სხვა განცხადებანიც სჩნდებოდა გაზეთში დასაბეჭდათ. ასეთ განცხადებანი „დროებას“ სულის მანანათ მოველინა. წერილმან განცხადებათა გარდა „დროება“ შივე დაიწყეს ბეჭდეა ბანკის ვრცელი განცხადების, რითაც მემამულეებს ეალის შეუტანლობა ეცხადებოდათ. გაზეთ „დროებამ“ ამით სული ჩაჩდგა, საგაზეთო ქალაქის მოვალეებისაგან განთავისუფლდა და გაზეთმაც შელაეათებთ იწყო გამოსვლა. სხვა-და-სხვა გარემოებათა მეოხებით იმ დროის „დროების“ თანამგრძნობელთ რიცხვი ორად გაიყო. ერთის მხრის მეთაურად ილ. ჭავჭავაძე და ბესარიონ ლოლაბერიძე აღმოსჩნდნენ. 1876 წ. შუა რიცხვს ამათ საჭიროდ დაინახეს საკუთარის გაზეთის გამოცემა, წლის ბოლოს მთავრობას თხოვნა მისცეს კვირის გაზეთ „იერიის“ გამოსაცემლად. ნებართვა დროით მიიღეს და 1877 წ. მარტის პირველიდან გამოცემაც დაიწყეს. ორი წლის განმავალში „იერ-

რია^მ კვირის გაზეთად გამოდიოდა, 1879 წ. კი თეიურ-
ქურნალად გადააკეთეს. მაგრამ ხელის მომწერთ საქმეს-კი
წარმატება არ ეძლეოდა. წლის გასულს „ივერია“ დღიურ-
გაზეთ „დროებას“ დაუკავშირეს, გაზეთ „დროების“ ზო-
მა განაერთეს, ხრლო ქურნალი „ივერია“-კი თეიურ გა-
მოცემის მაგიერ სამ თვეში ერთ წიგნად გამოვიდა, სიერ-
ციოთ-კი 1879 წ. თეიურ გამოცემაზე ერცელი იქმნა.
წლის გასულს „ივერია“ გაზეთ „დროებას მოსცილდა. „ივე-
რია“მ თეიურად იწყო გამოსვლა. ზომა დააპატარავეს.
1885 წლის ბოლოს თეიური გამოცემა შეჩერდა და 1886
წ. „ივერია“მ დღიურ გაზეთად იწყო გამოსვლა, ეს გაზე-
თი დღევანდლამდის არსებობს ფართოს ზომით და სახით.
უნდა ითქვას, რომ 1881 წლიდან 1885 წლამდე ქურნალ
„ივერიის“ გამოცემაზე მეტად დიდი შრომა აქვს დადე-
ბული ბ. ივ. მაჩაბელს, თითქმის იგი რედაქტორობდა,
მთლად მის ხელმძღვანელობის ქვეშ გამოდიოდა. ივ. მა-
ჩაბელი შრომობდა არა მარტო წერით, არამედ კორექ-
ტურითაც და სხვა და-სხვა წერილების სწორებითაც. ჩემს
გარდა ამას სხვებიც იტყვიან პირუთენელად. როგორც
გაზეთ „დროებამ“ ისევე „ივერიაამაც“ საკმარისი ამაგი-
დასდო ქართველობას; როგორც პირველ გაზეთით იძენ-
დნენ ქართველთ უმრავლესნი გაზეთის კითხვას და მწერ-
ლობას, ესევე ჰქმნა „ივერიაამაც“. ქართველთ ახალგაზ-
და სიტყვა კაზმულ მწერლებმა და მღაბიოდ გაწერთნილ
მელექსეებმაც „ივერია“-ში დაიწყეს პირველად წერა, რო-
გორც „დროებამ“, ისევე „ივერიაში“ ქართველებში შესამ-
ჩნევად დააჩნიეს თვისი კვალი. „ივერია“ს დრო-და-დრო
ჰყვანდნენ ისეთი შესამჩნევი მართველნი და მეთაურ მწე-
რალნი როგორც გახლდათ ბ. დავით მიქელაძე. ფსევ-

დონიმით მეველე, ამ პირის შრომა და ამაგი „ივე-
რია“ ში ამაგლარია, მის მართვის დროს „ივერიაში“ ბე-
ერმა მდაბიო ახალგაზრდა ქართველმა იწყო შრომა და-
წერა. ევლოშილმა აქ დაიწყო წერა და ბექდვა, ასევე
ცინცაძემ და ნინოწმინდელმა, ყველა ამათ თითქმის მევე-
ლემ ააღებინა ხელში კალამი. დღეს ამ ახალ მწერლებს
ჩვენს მწერლობის ასპარეზედ საკმარისი ადგილი უკავიათ.
ყველა ამ ახალ მწერლებთ სახელებს აქ არ ვახსენებთ.
დავით მიქელაძე ქართულ მწერლებში 1870 წლიდამ
პოლენაწობს და მას ერთობ დიდი შრომა და ამაგიც
დაუძეს ქართველთ წინაშე. პირველად „დროებაში“ და-
იწყო მან წერა.

„ივერიის“ დაარსების შემდეგ ქართველებში მწერ-
ლობის საქმე კარგათ გაჩაღდა თბილისის გარეშეც. 1880
წლებში ქუთაისში კრებები გაიმართა, კრებებზედ საუ-
ბარს სძრავდენ ქუთაისში გაზეთის გამოცემდ. გამოცე-
მის ნატერა მალე გადასწყდა. 1880 წ. მთავრობას თხოვ-
ნა მისცეს, ნებართვა მალე მიიღეს და 1881 წლის შუა
რეცხვებდამ კვირის გაზეთ „შრომის“ გამოცემაც დაიწ-
ყეს „შრომის“ რედაქტორად დიმიტრი დადიანი იყო. გა-
ზეთი „შრომა“ გამოდიოდა კვირაში ერთხელ. ხუთშაბა-
თობით, წინანდელ „ივერიის“ ზომით. ქუთაისში ქარ-
თულის გაზეთის გამოცემის საქმე ყველა ჩვენთაგანს დი-
დად გაეხარდა, ყველა აღტაცებით მიეგება მით უფრო,
რადგან იმერეთისკენ საქირო იყო დრო-გამოცემის დაწ-
ყება. აი დაიწყეს კიდევ, ხელის მომწერთა რიცხვიც კარ-
გად მიდიოდა, გაზეთის მიმართულებაც მკაცრად ექვემდებ-
არებოდა ჩვენს მაჯის ძარღვის ცემას, ჩვენს განზრახვას
და მიმართულებას. გაზეთის საპედნიეროდ მისი ცენზუ-

რაც ქუთაისში იქმნა დაარსებული, მაგრამ იმერთ შორის ასეთმა ბედნიერებამ დიდხანს არ გასტანა, — შინაურ მოლაქლაქეთა მეოხებით „შრომაზე“ სხე-და-სხვა ცილისწამებანი და ჭორები გაიშართა, „შრომის“ ცენზურა თბილისში გადმოიტანეს, ასეთი გარემოება გაზეთმა ვერ აიტანა, მესამე წლის ნახევარს იგი თავის უნებლიედ უღროვოდ მოისპო.

იმერეთში „შრომის“ დახურვა ბევრს ეწყინა, ნამეტურ ჩვენ გულ-შემატკივართ. რაც თბილისში ქართული გამოცემანი იბეჭდება, მათ რომ იმერლობა არ ჰყვანდეს მკითხველად. მაშინ ვერც ერთი გამოცემა ვერ ილღეგრძელებს, რადგინაც რაც-გინდ სახელოვანი გამოცემანი იქმნეს, მას ქართლ-კახეთიდან 100 ხელის მომწერზე მეტი ვერ შეეკრიბებათ, ეს ჩვენ ცნობათ რიცხვითაც ვიცით. აი ენახათ თუნდ ღღევანდელი გაზეთების საქმე, გადავშინჯოთ მათ ხელის-მომწერთა რიცხვი და იქილამ ნათლად დავრწმუნდებით, რომ ეს ყოფელივე სულ მართალია: მაგალითებრ: იმერეთის გარდა, სადაც-კი იმერთაგანნი სცხოვრებენ ან მსახურობენ, იქაც-კი სჭარბობენ ქართლ-კახელებს წიგნების კითხვით და განვითარების მისწრაფებით. ქართულ-ჭურნალ-წიგნები განჯაში, ბაქოში და ასეთ ქალაქებში უფრო მეტი მიდის ვიდრე ქართლ-კახეთში; რაც განჯიდან ქართულ-ჭურნალ-გაზეთებს ხელის მომწერნი ჰყავს, იმდენი მთელს კახეთში არ მოიპოვება. მერე ვინ არიან იქ მყოფ ხელის მომწერნი? მძლავრ იმერნი; ასში იქმნება ათი ქართლელი ან კახელი გამოყრიოს. ქართული წიგნების საქმეც ასეა: რაც თბილისში ქართული წიგნები იყიდება, მის ცხრა წილს იმერლები ყიდულობენ, ქართლ-კახელნი-კი იმდენს, რომ იგი ახსენებლათაც არა

ლირს; ასეთ მაგალითსავე წარმოადგენს სახელმძღვანელო წიგნების საქმე, რაც მარტოდ იმერეთის ერთს მაზრის სოფელში იყიდება, იმდენს მთელს ქართლში არა აქვს მოთხოვნილება. აი კიდევ ამის მაგალითი: თბილისის ყველა სტამბის საუკეთესო ამომწყობლებად მთლათ იმერნი ირიცხებიან.

ნამეტურ გურულები. მათი გამრავლება 1867 წ. იწყება. მას შემდეგ გურია იმერეთიდან თბილისში რამდენიმე ყმაწვილ კაცნი ჩამოვიდნენ, თბილისის სტამბებში შევიდნენ და დადგნენ და სტამბის ხელობა ისწავლეს. იმერეთიდან თფილისში უფრო მიტომ მოდიოდნენ ახალგაზრდობა და სტამბაში დგებოდნენ მოწაფედ, რადგანაც თფილისის სტამბებში ქართლის ხალხის შეილები სრულებით არ ეტანებოდნენ. არამც თუ მარტოდ მაშინ იყო, არამედ დღესაც კიდევ ისევეა, თფილისის ქართველთა შეილებს მხილევებს აძლევენ ბიკად, მეწერიმალეს, მიკიტანს, მენახშირეს, მეტაჰკეს, მეპივეს და მეარლნეს, ხოლო სტამბას-კი ახლოსაც არ ეკარებიან. დღესაც-კი რომ თფილისის სტამბებში იმერთ ხელოსნები არ მუშაობდნენ, უამისოდ ვერც ქართული გაზეთი გამოიცემა და ვერც წიგნი. თქვენი მტერი მაშინ ჩვენი საქმე. სამწუხაროდ, თფილისში ქართული წიგნების ამომწყობათ თვით სომხის შეილები-კი სჭარბობენ, რომელნიც ქართულ წიგნებს აწყობენ.

ამაზე მეტი უბედურება იქმნება! მე ამას აქ ვახსენებ როგორც ფაქტს, თორემ ჩემთვის სარწმუნოებას არა ვითარი მნიშვნელობა არ აქვს, ქართულ ენაზედ მოსაუბრე მე ყველა ქართველად მიმაჩნია და სწორედ ასევე უყურებ ქართველ სომხებსაც, ანუ ქართველ გრიგორიანებს. ისიც-კი უნდა ვსთქვათ, რომ ამ ბოლოს დროს, ტეტითა შორისაც გაჩნდნენ თითო ოროლა ისეთი.

ახალგაზრდები, რომელთაც სასტამბო საქმეს კარგის თვალთ შეხედეს და ამ ხელობას შესწავლაც იწყეს. ძლიერს თითო ოროლა უკვე გამოჩნდა მათში, მათაც გაახილეს თვალები, ტეტიაჲ იწყო აქეთ იქით თხიზლად მზერა. ამათზედ დიდი ზე გავლენა იქონიეს იმერელ ხელოსნებმა. იმერთ ხელოსნებით მოფენილია არა მარტო თფილისი, არამედ მთელი ამერეთიც. სანატრელია ამიტომ, რომ ქუთაისსა და ბათუმს ქართულს ენაზედ დროის გამოცემანიც დაარსდენ, რაც ერთი ათად უფრო წინ წასწევს სტამბების და ხელოსნების საქმეს.

იმერნი ქებულნი უნდა იყვნენ ჩვენს წინაშე, მათ ვაკვისწრეს წინა, ყველა დაწესებულებაში ესენი სჩანან, სკოლებში, ვაჭრობაში, ხელობებში და ქარხნებშიაც. მაგალითებრ თვით ჩვენი მწერლობის ასპარეზიც მხოლოდ იმერთ შეილებით არის თვალთ საჩინო. იგინი გეჯობნიან, იგინი მიდიან წინ, იმერსი გამოვიდნენ ძველის დახვესებულის აზიურის მდგომარეობიდანა, დღეს იმერთმა შეილებით საესეა თვით თფილისის საშუალოსასწავლებლებიც, თვით უმაღლეს სასწავლებლებსაც ესენი ამშვენებენ, ჩვენ კი ბედმაჲი ქართლ-კახელნი რაც ვიყავით აღარც ის ვართ, და მომავალში რა ვიქნებით, ეს უწყის ჩვენმა ბედასლობამ, ჩვენმა ბეჩავობამ! მძიმეს აზიურის სპარსულის მდგომარეობიდან არ იქმნა, ვერა გვეშველარა ვერ გამოვედით. ჩვენ ნამდვილი მოუხეშავი სპარსნი ვართ და იმერნი კი ევროპიელნი.

„შრომისავე“ დროს, ქუთაისში, არც ქართველთ იმერეთ ქალნი ჩამოურჩნენ მწერლობას უკან, მათშიაც განცხოვლდა მწერლობის პატივის ცემა, მათაც მოისურვეს ქართულს ენაზე თვიურ ქართულ ჟურნალის გამო-

ცემა, რომელსაც კერძოდ ქართველ ქალთა კალმის ნაწარმოებთა დანიშნულება უნდა ჰქონოდა. ასეც იყო. მათ მალე მისცეს თხოვნა მთაგრობას და აიღეს ნება რთვა თეიურის ჟურნალის „ქართულის ბიბლიოთეკის“ გამოცემის. ჟურნალმა ერთ წელს გასტანა. მეთორმეტე წიგნი გამოიცა და მით მოისპო კიდევ. ამ ჟურნალში ქართველთ ქალებმა მშვენიერად იმუშავეს. ბევრი რამ საინტერესო ნაწერები სთარგმნეს და დაბეჭდეს. მთელს თორმეტ წიგნში მამა კაცის მხოლოდ ერთი ლექსია დაბეჭდილი, დიმ. ყიფიანის, საღაბ აწერილია ქალთა კითხვების და მათ ღირსების შესახებ.

ამ თეიურ ჟურნალის დროს, იმერეთში ქართული სასულიერო გაზეთი „მწყემსიც“ გამოდიოდა, რომელსაც სცემდა და ამ ჟამადაც სცემს დეკ. დავით ღამბაშიძე. ასეთი სასულიერო გაზეთის გამოცემა საქართველოში, ქართულს ენაზე პირველი მაგალითი იყო.

გაზეთი „მწყემსი“ ორ კვირაში ერთხელ გამოდის, იგი დაარსებულ იქმნა 1883 წ. სასულიერო ნაწილის გარდა იქ ბევრი ისტორიული წერილები და მასალებიც იბეჭდებოდნენ, სხვათა მრავალთა შორის „მწყემსში“ მუშაობდნენ ცნობილი მოსე ჯანაშვილი, ეპისკოპოსნი: კირიონი და ლეონიდი, ბ.ნი ალ. ხახანაშვილი, ბ.ნი ილიურიძე და რამდენიმეც სხვა-და-სხვა ქართველთ მემისტორიებიც. სხვათა შორის ამ გაზეთში დაიბეჭდა ევროპის კათოლიკეთ მოგზაურ მოძღვარ მამა იოსებ ზამპის მოგზაურობა და ზოგიც სხვა. ასეთ წერილებს გარდა ქართველ სასულიერო პირთ სახელმძღვანელოთაც ბევრი რამ საყურადღებო დარიგება იბეჭდებოდა; დარიგებანი ყოველთვის მკაფიოდ განუმარტავდნენ სხვა-და-სხვა მოვალეობას.

თავიანთ სამსახურის შესახებ. ქართველთ სამღვდლოთ უმარღვლესობა ბევრ რამეში იყო უკან ჩამორჩენილი, მან ბევრი რამ თავის საჯალღებულო კითხვების არა იცოდა რა, ბევრში სცდებოდენ, ამ შემთხვევებს „მწყემსი“ მწყემსად მოეწოდინა. ბევრს მღაბიოთ განსწავლოლ მღვდელს ზმცნია რთული და მიუხვედრი საეკლესიო ცნობების ვალდებულება. ხშირად მოწინავე წერილებით ქართველთ საჭირვარამო კითხვებსაც შეჰხებია, ნამეტურ საერო და სამრევლო სკოლების საქმეს, ქართული ენის მფრველობას ყველა ქართველთა კუთხეებში, მეგრული ენის წინააღმდეგაც საკმარისად იღვაწა, ბევრს ძველს ნაშთების განახლების კითხვებსაც შეეხა. ქართულ „მწყემსთან“ რუსული დამატებაც გამოდის, რუსულშიაც ხშირად იბეჭდება საქართველოს შესახები წერილები; „მწყემსი“ წელიწადში სამი მანეთი ღირს. იმედია, რომ ოდესმე „მწყემსი“ კვირის გაზეთადაც გარდაკეთდებოდეს.

როგორც იმერეთს დაეტყო და მწერლობის საქმე წარმატებით წაეიდა, ისევე მოხდა თფილისშიაც: ამავე ღროს, თფილხსშიაც ატყდა საუბარი ჟურნალ „ივერიას“. გარდა სხვა ჟურნალის გამოსაცემად, რედაქტორად ქალ. გაბაშვილისა იქმნა ამორჩეული; ამან მთავრობას თხოვნა მისცა, ნება-რთვა მიიღო. ჟურნალის უმთავრეს თანამშრომლად სხვათა შორის ანტონ ფურცელაძე ირიცხებოდა, რედაქცია მოათავსეს, ხელის მოწერაც გაიმართა, ჟურნალის პირველი ნომრის ბეჭდვაც დაიწყეს. პირველ ნომერში სხვათა შორის უნდა დაბეჭდილ იყო ორი წერილი ანტონ ფურცელაძის, ერთი მოთხრობა „გაი-მართალთა“ და მეორე კრიტიკული წერილი, ეს ზოგი ერთ თანამშრომლებმა არ ჰქმნეს, ანტონ ფურცელა-

ძის ნაწერებს წუნი დასდეს. ანტ. ფურცელაძემ გამო-
რდა, დაწყნარებული თავისთვის წაეიდა, მისი ნაწერები
ცალკე წიგნებათ გამოიცა. ყურნალის საქმე აირია, პირ-
ველი ნომერიც ველარ გამოიცა; ზოგიერთ ხელის მომ-
წერტ ფულები ანტ. ფურცელაძემ დაუბრუნა თავის ჯიბი-
დან. ზოგი ერთ პირთა მეოხებით ასე გათავდა ამ ყურ-
ნალის გამოცემის საქმე.

ასეთსავე გარემოებას წარმოადგენს ერთის ქართუ-
ლის გაზეთის გამოცემის საქმე. მაგალითებრ: 1883 წ.
გაზეთ „დროებას“ ნიკოლოზ ქანანოვი იღებდა 1877—
—78—79 წლებში „ივერიის“ ნიკიერი თანამშრომელი,
რომელიც ნ. დავითაშვილის სახელით მუშაკობდა. ს. მეს-
ხთან გარიგებული საქმე ველარ მოხერხდა, გაზეთი ივანე
მაჩაბელმა აიღო. ნ. ქანანოვს ამაზე ჯაერი მოუვიდა.
მალე მთავრობას თხოვნა მისცა ქართულს ენაზე დღიურ
გაზეთის გამოსაცემად; ნება-რთვა მან მალე მიიღო და
1884 წლის შუა ზაფხულს ერთი ნომერიც გამოსცა,
ხოლო 1886 წლის პირველ იანვრიდამ გამოცემასაც და-
იწყებდა. გაზეთს ასე ეწერა: „მოამბე“ საპოლიტიკო და
„სალიტერატურო გაზეთი“. წელიწადში 8 მან. რედაქტო-
რის საქმე ისე დაიხვეწა, რომ იგი სამსახურისთვის ბაქოს
გადავიდა; ამიტომ „მოამბის“ ერთ ნომრის გარდა ველარ
მოახერხა. ასეთისავე ბედის გარემოებით შეისაზღვრა ამ
გამოცემებზე წინეთ 1879 წ. ერთი სხვა ქართული გა-
მოცემის საქმე; ეს იყო ნ. ნიკოლაძის ქართული გაზე-
თის გამოცემა, როცა იგი რუსულს „აბზორს“ ჰბეჭდავდა,
მაშინ ქართულს მწერლობაში მას ურიგოდ ჰკიცხავენ.
მან განიძრაზა ქართულს ენაზე საკუთარი გაზეთის „კან-
დელის“ გამოცემა, მაგრამ სხვა-და-სხვა მიზეზების მეოხე-

ბით ვერც ამ პირმა გამოსცა ხსენებული გაზეთი „კან-დელი“.

ზემო ხსენებულ არ დაბადებულ თეიურ ჟურნალ „მომხილვის“ მაგიერ მისმა მეთაურებმა სწვა ჟურნალის გამოცემა განიძრახეს; თხოვნა მისცეს, ნება-ართვა მიიღეს და 1881 წ. თფილისში გამოსულა იწყო თეიურ ჟურნალ „იმედმა“. ამ დროს ქართულს მწერლობაში თვალსაჩინოდ იჩინა ქართველთ გლახთა შებრალების და განკაცების ნატერამ. ის რაც ჩვენის 60 წლების აზრიან მოღვაწე მწერლებთან 1860—70 წლებში გამოითქვა, რაკი საფუძვლიანი საქმე ჰქმნეს, ანუ დასწერეს და დათესეს რამე, ამ დანათესის ნაყოფი 1880 წლებში უკვე მომზადდა. მუშაკთ ნახეს ნამუშავეარი. ამ წლებში გაჩნდნ ისეთ შკვირცხლ მხედველ ახალგაზრდა მწერლები და მოღვაწეები და მუშაკნი, რომელთაც 70 წლების ქართველთ იღვეებით სავსე მწერლების ქადაგებანი სარკვედ გაიზადეს და მათის დაღადების შესაბამ მოღვაწეობას შეუდგნენ. ერთ ასეთ წრეთა ჯგუფს ეკუთნოდა ჟურნალ „იმედი“ც. ამ ჟურნალის თანამშრომლებმა, ქართველთ გლახთა ცხოვრებას ჯეროვანი ყურადღება მიაქციეს. შემდეგ წლებში ეს პატივისცემა ზოგიერთ პირებთან დაწუნებულ იქმნა.! „იმედის“ არსებობამ ორ წელს გასტანა; 1883 წლის აპრილიდამ შეჩერდა, მესამე წელს სულ სამი წიგნილა გამოვიდა. „იმედში ყველაზე“ ბრწყინვალედ იშრომა ისტორიკოს-მკვლევარმა ნიკოლოზ ხიზანაშვილმა. ეს პირი აღრე სხვათაგან დაწუნებულ იქმნა, მაგრამ როცა „იმედში“ დაიწყო წერა, მაშინ-კი მრავალნი დარწმუნდნ დიდს შეცდომაზე. „იმედი“ ამ მწერალმა საყურადღებო საკითხად გახადა, მაგალითებრ ამის წერილები: უფლება

და კანონი ძველ საქართველოში, ვახტანგ მეფის კანონების გარჩევა და ბერიც სხვები დიდის სიამოვნებით იკითხებოდა. „იმედის“ დახურვის შემდეგ ამ პირმა „ივერია“სა და „ღროებაში“ იწყო შრომა. აქაც არ მოკლებულა მისი საფუძვლადანი გამოკვლევები. ლუკა რაზიკაშვილმაც „იმედში“ დაიწყო პირველად ლექსების წერა.

ოთხი წლის განმავლობაში რამდენიმე სპეციალური გამოცემა დაარსდა; ამათ დაემატა საყმაწვილო ქურნალი „ნობათი“ც, ანდრია ლულაძის რედაქტორობით. საყმაწვილო ქურნალ „ნობათმა“ მშენიერად იწყო გამოცემა, მისი გაბოცემა ორ წელს გაგრძელდა 1884—85. მესამე წელს-კი მოისპო. ამ ქურნალის მოსპობამ ყველას დასწყვიტა გული. იგი იბეჭდებოდა მშენიერს ქალაღზედ, ფურცლებს გარს წითელი არშიები ჰქონდა. შემოვლებული, ყველა ნომერი სუფთად იბეჭდებოდა სხვა-და-სხვა სურათებით ყოველთვის სინათლით ბრწყინაედენ, ქართველთ პატარა ბავშვებს მარტივად აბრწყინდენ, ქართული წიგნების კითხვის სიყვარულით სძრავდენ. „ნობათი“ იქამდის საყვარელი იყო ჩვენი საზოგადოებისთვის, რომ მასში იმუშაკეს ყველა გამოჩენილ ქართველთ მწერლებმა. „ნობათმა“ ჩვენს მწერლობის ასპარესზე თავისი კვალი დააჩნია, მისი გამოცემა დიდხანს დარჩება ჩვენში სამახსოვროდ. ამ ქურნალის დაარსებამ და მოსპობამ ქართველთ ნათლად დაუხატა ქართულს ენაზე საყმაწვილო წიგნების ბეჭდვის საჭიროება. ეს იქამდის ცნობილ იქმნა, რომ თითო ოროლა პირებმა სხვა-და-სხვა დროს საყმაწვილო წიგნების ბეჭდვაც დაიწყეს. ამ ნიადაგს მოჰყვა დღევანდელ ქართულ საყმაწვილო წიგნების მრავალად ბეჭდვა, თვით ქურნალ „ჯეჯილის“ დაარსებაც.

ზემო ხსენებულ მხურვალე წლებს, ანუ ქართველთა დრო გამოცემათა განცხობელების ხანს, აღრინდელ „ცისკრის“ რედაქტორად ყოფილი ივ. კერესელიძე ჩამორჩა უკან. 1882 წ. მან განიძახა ძველის „ცისკრის“ განახლება, მის დღიურ გაზეთად გამოცემა, მაგრამ ეს ვერ მოუხდა მას. მთავრობას თხოვნა მისცა კვირაში სამჯერ გაზეთის გამოცემის. ნებართვა მალე მიიღო და 1885 წლიდან „ცისკარმა“ გამოსვლა დაიწყო. „ცისკარს“ ვერ დაუდგა კაი დარი. გამოცემის საქმე ძრიელ გაუჭირდა იმე, რომ წლის გასვლამდეც ვერ გასტანა. მეორე წლისთვის საკვირაო გაზეთად გადააკეთა, მაგრამ გამოცემა მანც ვერ შესძლო. მესამე წელს მოიხსნა. განსვენებულს ივ. კერესელიძეს დიდი ნატერა-კი ჰქონდა „ცისკრის“ არსებობის, ამისთვის პატარა სტამბის გახსნაც ისურვებდა. მალე საბეჭდო დაზგაც შეიძინა, მაგრამ ყოველივე დაუშთა ამაოდ. „ცისკრის“ გამოცემის იმედი ამას მით უფრო ჰქონდა, რადგანაც პროგრამაში სამეურნეო ნაწილსაც დიდი ადგილი ჰქონდა დათმობილი. მიტომ მან „კავკასიის სამეურნეო საზოგადოებას“ დახმარებაც სთხოვა. დახმარებას წინეთ დაჰპირდნენ, მერე აღარ მისცეს. 1886 წ. ორი ნომერი გამოვიდა კიდევ და მით „ცისკარი“ც სამუდამოდ მოიხსნა. სამეურნეო გაზეთის შესახებ საუბარმა თვისკენ ჯეროვანო ყურადღება მიიპყრო, მრავალთ სთქვეს, რომ მართლაც და დრო არს, რომ ქართულს ენაზე რიგიანი სამეურნეო გაზეთი გამოიცესო. ნატერამ გზა გაარკვია.

მალე ე. სულხანაშვილმა მთავრობას თხოვნა მისცა ქართულის სამეურნეო გაზეთის „მეურნის“ გამოცემის, ნებართვა მთავრობამ მალე დართა. თფილისის სათავადაზნაურო ბანკი „მეურნეს“ წელიწადში 600 მ. დახმარება

დაუნიშნა. 1888 წლიდან გამოცემაც დაიწყო, იმაშია გამოცემაში რამდენსამე წელს გასტანა. შერე „მეურნე“ ილია ჭყონიამ შეიძინა და ქუთაისს გადაიტანა. იქ ეს გაზეთი მშვენიერად გამოდიოდა, მასში ბევრი რამ დიდათ საინტერესო წერილებიც დაიბეჭდა, ზოგი ცალკე წიგნებადაც გადაბეჭდენ, მაგრამ ჩვენდა საუბედუროდ ვერც ეს კარგი გაზეთი დარჩა დიდხანს იქ, 1898 წლიდან სამუდამოდ მოისპო.

ოთხი ხუთი წლის განმავლობაში ბევრი რამ დაბადა ქართულს ენაზე, ბევრმა გამოცემაში იჩინა თავი, მაგრამ ყველა ესენი თავიანთ უნებლივით მოისპვენ- 1899 წ. გაზეთი „დროებაც“ მოისპო და ქართველთათვის ერთადერთი თეიური ჟურნალი „ივერია“ დაშთა. ამ გარემოებაში გამოიწვია „ივერიის“ გაზეთად გადაკეთება, რომელიც დღევანდლამდეც არსებობს.

ასე ხდება ჩვენისთანა ხალხში, ასე მოგედის, რადგან ხშირად ჩვენ რის გაკეთებასაც ვიწყებთ, მისი დაკვირვება და დაფიქრება არ ვიცით. როცა საქმე წაგვიხდება, ან გაგვიფუჭდება, ბოლოს „ვას და ვუის“ ძახილს დავიწყებთ. ხშირად დაგვამართნია ასე და ჯერაც ვინ იცის, როდემდის იქმნება ეს კიდევ ჩვენ შორის.

1878 წლიდან, თფილისში, ქართული თეატრის საქმეც ფეხი აიდგა. თეატრს დიდი შესავეალი ჰქონდა. ქართველთ მწერლებმა პიესების წერაც ხშირად იწყეს. სათეატრო მწერლობამ თავი იჩინა; ამ გარემოებამ მოთამაშეთ შორის აზრი დაბადა საკუთარის თეატრალურის გაზეთის გამოცემის და 1885 წლის ნახევარს ვ. აბაშიძემ მთარობას თხოვნა მისცა კვირის სურათებიანი გაზეთის „თეატრის“ გამოსაცემად, ნებართვა მიიღო და 1885 წლის ენკე-

ნისთივად „თეატრმა“ გამოსვლაც იწყო. ოთხ წელს გაგრძელდა, ორ წელს კვირაში ერთხელ გამოდიოდა, მესამე წელს რედაქტორად მოთამაშე ა. ნებიერიძე იქმნა მთავრობისგან დამტკიცებული. კვირის გაზეთს ფორმა შეუცვალეს, კვირაში ორჯელ იწყეს გამოცემა „ივერიის“ ზომით. მაგრამ ვერც აჰან შესძლო. მეოთხე წელს ისევ კვირის გაზეთად გადაკეთეს, წიკნის მსგავსად გამოდიოდა. მაგრამ ვერც ამით ეშველა რამე და 1858 წ. სამუდამოდ „თეატრიც“ მოიხპო. ამდენ გამოცემათა შემდეგ ხსენებულის წლივად ქართულს ენაზე გამოდიოდა მხოლოდ თფილისში „ივერია“ ქუთაისს: „მეურნე“ და „მწყემსი“.

ამასობაში ახლოვდებოდა 1890 წლები, ქართველთა კვირიანურად იწყეს თვალის გახილვა 1889 წლისთვის ცნობილმა ქალბატონმა ანასტასია თუმანიშვილისამ (წერეთლისამ) საყმაწვილო ჟურნალ „ჯეჯილის“ გამოცემის ნება-რთვა აიღო და ხსენებულის წლივად ბრწყინვალეთაც იწყო გამოცემა; პირველ წლებში „ჯეჯილი“ ორ თვეში ერთხელ გამოდიოდა, დღეს თვიურად გამოდის. იგი კაიმშენიერება არის ჩვენი საყმაწვილო მწერლობის ასპარეზზე; მისი მშენიერი სურათები და სხვა და სხვა წერილები და მოთხრობები საკმარისად ამდიდრებენ ჩვენს საყმაწვილო ღარიბ მწერლობას. საუბედუროდ, მხოლოდ ჟურნალს არ ჰყავს ბევრი ხელის მოწერი, მისი ხელის შეწყობა-კა სასურველია. რადგანაც „ჯეჯილის“ რედაქტორი ანასტასია თუმანიშვილი-წერეთლისა საკმარისად ამაგდარი ქალია ჩვენს მწერლობაში, ბევრ ნაირად დაჯილდოვებული, ქართველთაგან დიდად პატივსაცემი და მაგალითი, რომ ქართველმა ქალებმა ასეთ პატიოსან მშრომელთ მოღვაწეებს მიაქციონ ყურადღება და მათებურის მამული-

შვილობით აღიესენ, მათებურად იწყონ მოქმედობა. დროა უკვე, რომ ქართველთ ქალნიც გამოვიდნენ ტიკინურის მდგომარეობიდან და ანასტასიას მაგალითს დაადგენ. 1890 წ. ქართველთ შორის კვალად განიღვიძა სალიტერატურო ჟურნალის გამოცემის აზრმა.

უკანასკნელ იკისრა ცნობილმა მოღვაწე ნიკოლოზ ლობაბერიძემ, მთავრობას თხოვნა მისცა თვიურ ჟურნალ „მოამბის“ გამოსაცემად. რედაქტორად გახლდათ დანიშნული ალ. ჯონია. ნება რთვა მალე მიიღეს და 1891 წლიდან თვიურ ჟურნალ „მოამბეც“ იწყო გამოსვლა. ამ ჟურნალის გამოცემა კარგათ წავიდა; აქ ნ. ნიკოლაძე-მაც იწყო შრომა, მას გარდა სხვებმაც ბევრმა. უნდა ვსთქვათ, რომ პირველ წელს „მოამბეს“ ისე წაუყვიდა საქმე, რომ ქართველობაში იგი პირველი მაგალითი იყო. ქართველობაში ასეთი ბედი არათერ ჟურნალს არ ღირსებოდა. თანამშრომლებს თუღსაც აძლევდენ. შემდეგ წლებში სხვა და სხვა მიზეზების მეოხებით ნიკოლოზ ლობაბერიძემ გამომცემლობას თავი დაანება, ალ. ჯაბადარმა იკისრა. დღეს „მოამბე“ ალ. ჯონიას რედაქტორობით და ა. ჯაბადარის გამომცემლობით გამოდის: მასში ბევრი რამ საყურადღებო იწერება და იბეჭდება. მაგალითებრ პროფესორის პეტრიაშვილის შესანიშნავი შრომანი. ძველი სიგულ გუჯარებიც ხშირად იბეჭდება.

ამ ჟურნალის დაარსებას მალე თან მოჰყვა კვირის სურათებიანი „კვალის“ გამოცემაც. საქმე იქამდის მივიდა, რომ ქართველებში კვირის სურათებიანი გაზეთის გამოცემაც საჭიროთ შეიქმნა. ამ ძნელსა და ძვირს საქმეს ისევე ანასტასია თუმანაშვილ-წერეთლისამ მოჰკიდა ხელი. მან მთავრობას მალე მისცა თხოვნა კვირის სურათებიან „კვა-

ლის“ გამოცემის შესახებ, ნება-რთვა მიიღო. 1893 წლი-
დამ „კვალმა“ გამოსვლაც იწყო. ამ გაზეთმა ჩვენი მწერ-
ლობის ასპარეზზე თავის საკუთარი გზა გაარკვია, თავისე-
ბური მისწრაფება აღადგინა, თავის ლტოლვა და მიღრეკი-
ლება. მის თანაშრომელთ რიცხვში უმეტესად ახალგაზ-
დები აღმოჩნდნენ, იმერლები, უფრო-კი გურულები. აქ
იწყეს პირველად შრომა ეგ. ნინოშვილმა, ნ. ქორდანამ
ფ. მახარაძემ, ე. დარჩიაშვილმა, გომართელმა, პ. წუ-
ლუკიძემ, პ. სურგულაძემ და მრავალთაც სხვებმა, ახალ
გაზრდებმა, უფრო-კი იმერლებმა-გურულებმა. საშუალო
და უმაღლეს სწავლა მიღებულით შორის ურევიან
თითო ოროლა მღაბიო სკოლიდამ გამოსული ხელოს-
ნებიც. უკანასკნელ ამ ჯგუფს რალაც შემთხვევით „მე-
სამე დასი“ ეწოდა. არეცი ეს ვინ და რისთვის უწოდა?
მიზეზი რა იყო, პარველ დასელებათ 1860 წლებში გა-
მოსულ მწერლებს სთვლიან. მეორე დასელებათ 1880 წ.
და მესამე დასელებათ 1890 წლებში გამოსულთ.

უმთავრესად „კვალის“ თანა მშრომლები ეკონომი-
ური კითხვების წერას გაჰყვნენ. ეკონომიურს კითხვებში
ესენი სჯიან ისე როგორც მათი გონება და ჭეშმარიტე-
ბის წესდება ამცნევს, დანარჩენთან მათ საქმე არა აქვსთ.
მათგან ბერი კამათიც ატყდა, ბევრი სიცოცხლით საესე
წერილებიც დასწერეს. ბევრი ცოცხალი და თან მეტად
საყურადღებო კითხვებიც გაარკვიეს, ბევრი ნიჭით საესე
წერილები დასტამბეს, ამ უკანასკნელ წლებს თვალ სა-
ჩინოთ დაიმსახურა გომართელმა, ამისი წერილები საყუ-
რადღებონი არიან, სანაქებო და მასთან გამოსადეგნიც,
მისი წერილი რაფ. ერისთავის და ევდოშვილის შესახებ
სანაქებოთ ჩაითვლება, ასეთი წერილები დიდად განვითა-

რებულ ერის მწერლობასაც დაეშვიათდებო. ვის არ გვახსოვს 1860 წლების შემდეგ დროის რუსეთის საუკეთესო ჟურნალ განთების და ნამეტურ პისარევის კალამი, დობროლიუბოვის და სხ.

იგი, გომართელის წერილებმა კვალად მოგვაგონა ეს პირნი და გაგვაცხოველა მათებურის ბრწყინვალეს კალამით. ახ, ჩვენში უნდა ახლოგზდობა არსებობდეს და მათ შესმენა უნდა ჰქონდეთ, რომ ასეთი პირები თავიანთ ბრწყინვალე კალამით შესამჩნევად დააფასონ, ის იდილები რაც ამათ ნაწერებში ბრწყინვენ, რასაც ესენი დალადებენ, ის მათ ნათლად და მკაცრად ჩაინერგონ. ასეთივე საყურადღებო წერილები ჰქონდა ფ. მახარაძეს, ნამეტურ ამის შეხედულობა ჩვენი წარსულის ბატონ-ყმობის შესახებ. ნ. ჟორდანიამაც ბევრი მშვენიერი წერილი დასწერა. ბევრი რამ კითხვები გაარკვია თავისებურად. ხალხს ისე არაფერი ენატრება და ეჭირება, როგორც ცოდნა, განვითარება, მომზადება, თვალის გახილება. ყოველ ჩვენის კეთილის მდომისთვის ცოდნის გაერცვლება უნდა იყოს უპირველეს საქმეთ და საგნათ გამხდარი. მეორე: რაც შეეხება წერილების წერასაც უფრო ადვილათ უნდა ახერხებდენ, რომ მკითხველმა კარგად, ნათლად გაიგოს, თორემ ევროპიული ხშირი ტერმინების ხმარება ბევრს უძნელებს წირილების კითხვას და გაგებას. ნამეტურ უსწავლელ მუშებს, რომლებიც მე თვით მინახავს ჩემის თვალით და მათი საჩივარიც მომისმენია.

გაზეთი წელიწადში ღირს 7 მ- მკითხველი მასში ყოველთვის ჰპოვებს საკმარისის ნიჭიერებით დაწერილ სამეცნიერო წერილებს, პოლიტიკურს და სიტყვა კაზმულს ნაწერებსაც. გაზეთის გიმოცემის საქმეები მიდის კანონიერ-

რად, გაზეთი თითქმის მუდამ კვირა გამოდის დანიშნულ დროს.

ერთი მწუხარება და მამულოთრობა ჩვენი ამათ შესახებ ის გახლავთ, რომ ახალ დასელობის წრეში ბევრმა ისეთმაც შეათვარა თავი, რომელთაც მცირე რამ ცოდნა პირში და ყელში აქვსთ გახიდული და ლაქლაქა ენით ქვეყანას აბეზრებენ და წარმოიდგინებენ ჩვენი მწუხარება, რომ ამ ლაქლაქით მრავალთ ხიბლავენ კიდეცა, ამიტომ ხშირად ბევრს ალაგას „ასეთი პირნი სჩდებიან როგორც უმეცარნი და უვიცნი და არა განათლების მეძიებელნი და მფენელნი. აი ეს არის ერთად ერთი უბედურება და საწუხნი, რომელთა მეოხებითაც მესამე დასელებს უმრავლესობის წინაშე ნდობა და მეცნიერული ძიების პატივისცემა ეკარგებათ. ეს არის საგრძნობელი და საწუხნი. ყოველი უმეცარი, რომელმაც ქართული კითხვაც არ იცის და მას მცირე რაღაცა კი გაუგია, ისიც-კი ყვირის აქა იქ, რომ მე „მესამე დასელი ვარო“ ამის ანიშვნას აქ ალაგი არა აქვს, მაგრამ რა გაეწყობა, საქმე და უბედურება ისე მოეწყო და ჩვენც მიტომ აენიშნეთ აქ ეს მწუხარებით. ასეთი პირების მეოხებით პატივისცემა ეკარგებათ ნამდვილ მეცნიერ მესამე დასელებს და ეს ჩვენ დიდათ უნდა გვაწუხებდეს.

1895 წ. ერთი დღიურ გაზეთ „ივერია“ მთავრობისაგან 8 თვით იქნა აღკრძალული. „ივერიის“ დახურვამ ქართველთ შორის სხვა გაზეთის გამოცემის საჭიროება გამოიწვია, ბევრმა ისურვა გაზეთის გამოცემა. ვალ. გუნიამ მთავრობას თხოვნა მისცა, სულ უბრალო გაზეთ „ცნობის ფურცლის“ გამოცემის შესახებ. ეს თხოვნა მთავრობამ მალე შეიწყნარა. იმავე წელს ნება-ართვა მიიღო და 1895 წლის დეკემბრის თვიდან გამოცემაც იწყო.

„ცნობის ფურცელი“ 1900 წ. ვ. გუნიმ ალ. ჭყონიას გარდასცა. რედაქტორად ეს პირი იყო და გამოცემლად ალ. ჯაბაღარი. მეორე წლის გასულს, ანუ 1901 წ. ბოლოს რედაქტორობას ალ. ჭყონიამ თავი გაანება. დროებით ალ. ჯაბაღარია. 1901 წლის შუა რიცხვებიდგან დღიურ „ცნობის ფურცელს“ კვირის სურათებიანი დამატებაც მიუმატეს და ეხლა „ცნობის ფურცელი“ და მისი დამატება და „მოამბე“ წელიწადში თუმანი ღირს, ძრიელ იაფია. გაზეთი გამოდის ცოცხლად და მრავალ ნაირის ამბებით საესე. მკითხველს ბევრს ამბებს აწვდიან წასაკითხათ. ბევრი რამ შესანიშნავი ცნობები, წერილები და საკითხავი ფელეტონები იბეჭდება მასში. მის მეთაურად ცნობილი ნიჭიერი გ. ლასხიშვილი ითვლება. ჩვენს მწერლობაში კარგად ცნობილი ლალის ფსევდონიმით. ბ. არჩილ ჯორჯაძემაც საკმარისი პატივისცემა მოიპოვა თავის შესამცნევის წერილებით. გაზეთის ხელის მოწერას დღითი დღე ემატება, დღეს მის ხელის მომწერთ რიცხვი 2000-მდე არის. ეს ბედი ჯერ არც ერთ ქართულ გაზეთს არ ჰქონია ახ, სად არის ნეტარ ხსენებული მშრომელი სერგეი მესხი, იმედია რომ რაც ხანი გავა, მით გაზეთს ხელის მომწერლებიც კვალად შეემატება. ლმერთმა ქმნას.

ამ გაზეთის გამოცემის შემდეგ ცხრამეტ საუკუნის მიწურული წლებიც დადგა, ქართულ მწერლობის ასპარეზზე კვალად გამოიკა თეიური ჟურნალი „კრებული“. ამ ჟურნალის გამოცემით მის რედაქტორს, აკაკის დიდი ხნის ნატერა შეუსრულდა, დიდი ხანია, რაც ამ მგოსანს თავის საკუთარი ჟურნალის გამოცემა სურდა. 1897 წ. იწყო „კრებულის“ გამოცემა. ეს ჟურნალი აკაკის რე-

დაკტორობით დღეს ქუთაისში იბეჭდება. მრავალ წაირ ღირსებასთან ამ ჟურნალს ერთი სხვა დიდი ღირსებაც აქვს, მაგალითებრ: მასში იბეჭდება ზეპირ-თქმულებანი ქართულის ერის სულის და გულის, რაც დიდს მასალას უმზადებს მომავლის ქართულ განათლებულ მწერალ-მკვლევრებს. ეს მასალები არის საუნჯე ისეთის სამყაროსი, რაზედაც დაფუძნდა თვით ევროპიელთ მსწაველულთ „სოციალოგიური“ მეცნიერება და ანთროპოლოგია. სულ რომ არა ითქვას-რა “კრებულის“ შესახებ, მარტოდ ეს სამსახურიც კმარა მისგან, მარტოდ ეს განყოფილებაც საკმარისია. მომავალში ქართველთა შორის ვერც სპენსერი გაჩნდება, ვერც ტაილორი, ვერც ფოხტი, ვერც დიდებული გიოტეს და ბაირონის ცალი, თუ მათ ეს ერის საუნჯე და სალარო არ შეეკრიბათ და არ დაიბეჭდა. ამიტომ აკაკის ჩვენ დიდის პატივის ცემით ეუმზერთ, ვაფასებთ მის მაღალ განსჯერეჭას, სამერმისო ქართველთ განვითარებულ მკვლევართათვის მასალების შემზადებას, ამ მასალების დაუკარგველობა დღეს შეიძლება უმნიშვნელოდ მიგვაჩნდეს, მაგრამ დრო მოვა, როცა მას დიდ ძალი პატივისმცემლები გამოუჩნდება. აკაკი საქმბია მით უფრო, რადგანაც იგი თავის კალმის ნაწარმოების გვერდით ზეპირ თქმულებასაც სიამაყით ათავსებს. აკაკის ამ საქმის აღსრულებაში მარჯვენა მკლავს შეადგენდა ცნობილი სამშობლო ქვეყნის უანგარო მოღვაწე-მკურნალი ეახტანგ ლამბაშიძე.

„მოგზაური“ სურათებიანი თვიური ისტორიული და ეთნოგრაფიული ჟურნალი, დაიწყო გამოსვლა 1901 წ. იანვრიდამ, ივანე როსტომაშვილის რედაქტორობით. ამ ჟურნალში ისტორიულს და ეთნოგრაფიულს ნაწილს გარდა სანახო სიტყუერებასაც დიდი ჯდგილი აქვს დათმო-

ბილი. წელიწადში 5 მ. ღირს. „კრებულის“ შემდეგ ეს ქურნალი ქართულს ენაზე თითქმის ერთად ერთ ორგინალურ გამოცემათ ითვლება.

დასრულდა ეს საუკუნეც და ჩვენც ამით დავასრულებთ ეს წერილი. ჩვენ, ქართველთ გამოცომათა შესახებ, ბევრი რამ არ ესთქვიტ, რადგანაც ჩვენ მარტოდ ნატერა გეკონდა აღგვენიშნა მხოლოდ გამოცემათა დრო და ცნობები, რათა ქართველს მცირეთ მაინც გაეცნო ჩვენი მწერლობის ისტორიის მასალები.

საქართველოში გაზეთის მსგავი ფურცელების ბეჭდვა 1760 წ. შემდეგ იწყეს, ანუ ქართლ-კახეთის დაკავშირებიდამ, როცა ამ ორი კუთხის მეფედ ერეკლე 11-რე გამოცხადდა, ორის კუთხის ერთად დაკავშირებამ გამოიწვია სამეფოს სიძლიერეც. ახალმა შეერთებულმა ძალამ ბევრი რამ შექმნა ქვეყნის სასარგებლოდ. სამოსამოხრთლო მხარემ წმინდა ქართული სული ჩაიდგა, ქართული, ქრისტიანური სახე მიიღო. მინამდეკი ქართველთ სამეფოს კანონდებულებას, გამგეობას და თვით მოქალაქობასაც-კი ნამდვილი, თათრული, მუსულმანური ძალა ჰულობდა, იგი მკაცრად ემორჩილებდა სპარსულ გემოვნებას და მიდრეკილებას. ჰინით შეღებილი წვერი, წარბები, თითები, ტანზედ ყაბა, კაბა, ქულაჯა, ქოშები და სხვა. დედაკაცთათვის ჩადრი, პირბადე, ბურნუთის კოლოფი და კრიელოსანი. ეს იყო გარეგან სურათი ჩვენის გვაროვნობის ძლიერებისა და შინაგან სურათებიც რასაკვირველია გარეგან სახიერებას მკაცრად უახლოვდებოდა. სამეფო მოხლეთ შორის არსებობდა სრული მონობა. მუხლით ჩოქვა, გულზედ ხელების წყობა, მუდარებით „ფეხთა მტყერის, ანუ მონა ყმა ბატონის“ ძახილი. ყველა ეს უძლიერესად და-

ინჯლო მას შემდეგ, რაც ქართლ-კახეთი ერთად დაკავშირდა. მის მეფე ცხეთაში ქრისტიანების წესით დაგვირგინდა. სამეფო გამგეობამ ქართული სახე მიიღო. სამეფო სტამბის განახლების საქმეც წინ იქმნა წამოყენებული. სამეფოს ხარჯით მალე განახლდა საქმე. მოკლეს დროს სტამბაში წიგნების ბეჭდვაც იწყეს. 1763 წ. ამავე სტამბაში გამოიცა გაზეთის მსგავსად ერთი თაბხიან ქალაქის ნაბეჭდი ფურცელი, რომელსაც სახელად „ბრძანება და უწყება“ ეწერა. ამ „ბრძანებასა და უწყებაში“ იბეჭდებოდა სამეფო ცნობანი, მაგალითებრ სხვა და სხვა მოურავთათვის საუწყებელი ცნობანი. ბრძანება გეარასშვილობის აყრაზედ, მამულების ჩამორთმევაზედ, გეარასშვილობის ბოძებაზედ. სამეფო ბრძანება: მეფის მოწყალება. მოხმობა, მღვერის ძახილი და სხვაც ამ გეარნი საჭირო უწყებანი. ამავე უწყებასა და ბრძანებაში იბეჭდებოდა სასულიერო ცნობანიც, მაგალითებრ: პატრიარქის ბრძანება და განკრულება, რომელიც სხვა და სხვა მღვდელთა და ეპისკოპოზთ უნდა წასელოდათ თფილისიდან და უწყებოდათ ყოველივე. ეს „ბრძანება და უწყება“ გამოდიოდა ისე, როგორც იმ დროს პეტერბურგში რუსული „პეტერბურგის უწყება“ ისტამბებოდა. ხოლო ქართულს კი უფრო განცხადების ფერი ედო. ანუ ზემოხსენებულსავე „პეტერბურგის უწყების“ დამატების ზედა ფერი ედო. როგორც ვიცით, ეს „ბრძანება და უწყება“ 1769 წლების შემდეგ აღარ გამოსულა. მიზეზი არ ვიცით, არც ის სჩანს, თუ რა და რა დროს გამოდიოდა იგი და ან რა გეარ იბარებდნენ, ფასს იხდიდნენ თუ არა. უფრო-კი საფიქრელია, რომ იგი იბეჭდებოდა იმ დროს, როცა საკმარისი ცნობა მოგროვდებოდა. ფასის გადახდაც არ უნდა სცოდ-

ნოდათ, არამედ მას ურიგებდნენ ვითარცა სამეფო ცნობათა საუწყებელ განკარგულებას. საუბედუროთ ამ გამოცემათა ფურცლებმა ჩვენს დრომდე ვერ მოაღწიეს, მართოდ სათაურის ფურცლები-კი ენახეთ, რამაც გვაუწყა აღნიშნული ცნობანი. უნდა მოგახსენოთ, რომ საქართველოში, ამ გამოცემის გარდა, 1783 წ. გამოიცა მეორე ამ გვარივე განცხადების ფურცელი. კვალადვე სამეფოს ბრძანებით, რომელ განცხადებსაც სახელად „ლეპორტი“ ეწოდა, „ლეპორტიც“ ისევე გამოდიოდა, როგორც „ბრძანება და უწყება“. „ლეპორტი“ მდებრივ შორის ძრიელ გავრცელდა. საქმე ისე წავიდა, რომ ძველად ანდაზასავებ გარდაიქცა შემდეგი თქმულება გლახთა შორის, რომ „ლეპორტი“ მომივიდა, „ლეპორტი“ მომერთო და მრავალხც ამ გვარი სხვანი. „ლეპორტის“ ხსენება, ცნობანი და ბეჭდვის ამბები ზღრე ჩვენმა მწიგნობარ მოხუცებულთა კარგად იცოდნენ და მასთან ხშირადაც ახსენებდნენ, რომ „ლეპორტი“ გაზეთი იყო. ასევე სთქვა ქართველ-ცენზორად ყოფილმა რ. ს.-ძე ისარლოვმა, მოხუცებულმა კაცმა, რომელმაც ქართველთ შესხებ ბევრი რამე ძველი ამბები იცოდა. ეს ამბები მეც კარგად ვიცოდი, მაგრამ წერით-კი ვერა ეწერდი, რადგანაც მერიდებოდა, სადმე რომ მეთქვა რამე, თუ ქართველ მეფეების დროს, ქართულს ენაზედ გაზეთის მსგავსი განცხადება იბეჭდებოდაო. ვინ იცას მაშინ რა გვარი გამობა არ მოეძღვნათ, დრო ასეთი იყო და მაშინდელ დროებრში ქართველთ უმეცრების გარეშე სხვას არაეინ რას ხედავდა და აბა გაზეთი რომ გვეხსენებინა, ეს ხომ სულ შორს წავიდოდა. დღესაც ისევე ისეა ჩვენდა საუბედუროთ და მრავალნი ჩვენს წარსულში უმეცრებს და უფიცობის მეტს

სხვას არს ზედადენ „ლეპორტის“ გამოცემის უმთავრეს მიზეზათ-კი გამხდარა ის გარემოება, რომ 1782 წ. თფილისში, მეფე ერეკლეს ბრძანებით განახლდა ქართული სტამბა, რომელიც პროფესორის ა. ცაგარლის სიტყვით 30 ათასი მანეთი დამჯდარა, გარდა ამის ამავე წელს, თელავში, ანტონ კათოლიკოზმა გახსნა ქართული სემენარია. მაგრო პატრი და სხვანი რუმის სენატში გაიგზავნენ დანმარების სათხრენელად. საქართველო რუსეთის იმპერატრიცა ეკატერინას მფარველობის ქვეშ იქმნა შესული. ამ წელს ბევრი კიდევ სხვა საქმეები დაფუძნდა და გაკეთდა, რომელთათვისაც საჭირო იყო აგრეთვე სხვა-და-სხვა ცნობათა ბეჭდვა და უწყება, გარდა ამის, რომ 1782 წ. განახლებულს და გაფართობულს ქართულს სამეფო სტამბაში არ იქმნებოდა ძნელი, რომ რამე გაზეთის მსგავსი ფურცლები ებეჭდოთ, ამას გამოაჩინს ის გარემოებაც, რომ თვით ამ ხსენებულ სტამბის განახლების ისტორია-კი ცალკე წიგნავთ დაუბეჭდავთ და გამოუციათ. ამიტომ მოვიყვანთ შემდეგს:

XVIII საუკუნის შუა რიცხვებში. ქ. თფილისს გახსნილი სტამბა დროთა მიმდინარეობის მეოხებით სიძველეს მიეცა. სტამბის იარაღები ისე გაფუჭდა, რომ მით მუშაკობა შეუძლებელი იყო. სტამბისთვის საჭირო იყო აღმდგენი ოსტატი, განმანახლებელი. ამ დროს, თფილისში იმყოფებოდა კოსტანტინეპოლის ბერძენთ არქიმანდრიტი მელეტეოსი. ეს არქიმანდრიტი კოსტანტინეპოლს მიემგზავრებოდა, ამას მეფე ერეკლემ დააჯალა, რომ ეგები სტამბოლში სტამბის ოსტატები მიზონონ და თფილიში გამომიგზავნოთ.

სტამბოლში მისულმა მელეტეოსმა მალე იპოვნა მე-

სტამბენი: პოლოს ოჰანეზოვი და ტერდავით ტერ ოჰანე-
ზოვი. ესენი შეაგულიანა მელიტიოს არქიმანდრიტმა და
საქართველოში გამოგზავნა. მეფე ერეკლეს კარზედ ესენი
მალე მოვიდნენ, წარსდგნენ მეფის წინაშე და ყოველივე
ცნობა აუწყეს, მეფემ მიიღო იგინი და მათის მეოხებით
ძველი სტამბაც განახლდა.

საქართველოში სტამბის დაარსების და ამ ახალად
აღორძინებულის სტამბის ისტორია მის განმანახლებელთა
ქართულად დაწერეს, ნაწერი მეფე ერეკლეს მიუძღვნეს
და იგი 1782 წ. ცალკე წიგნათაც გამოსცეს. ასე, რომ სა-
დაც-კი სტამბის ეს ისტორიაც დაიბეჭდა, იქ, იმ დროს, რამე
ქართული გაზეთის გამოცემის საქმე ძნელი და სათუო
არ იქმნებოდა.

ფ. ჭ.

1900 წ.

